

नमो नमो निम्मल दंशणस्स

# आगमसुत्ताणि



३७

दसासुयक्खंधं

चउत्वं छेपसुत्तं

संसोहय-संपायग

निपुण निर्यामिड पू. मुनिराज श्री सुधर्म सागरञ्ज म. ना शिष्य

मुनि दीपरत्नसागर

ઠાઘ ઢાઘવારી શ્રી ઢેમિલાઘાઘ ઢમઃ

નમો નમો નિમ્બલ ઢંતગસ

શ્રી આનંદ-કામા-લલિત-સુશીલ-સુધર્મસાગરગુરુભ્યો નમઃ

# ૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી મહારાજ સહાયના શિષ્ય

## મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઠ સુદ : ૬

૪૫ આગમના સેટની કિંમત - રૂ. ૧૫૦૦/-  
(ભાવિ આગમ-કાર્ય ખાતે)

આગમ શ્રુત પ્રકાશન

■

મુદ્રક

નવમલાલ ઢિન્ડીંગ પ્રેસ ધીકાંઘરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ચિરધરનગર,  
શાહીબાગ, અમદાવાદ.

[2]

## આર્થિક અનુદાન ઠાતા

### ૪૫ આગમમાં મુખ્ય દ્રવ્ય સહાયક

નિષ્કાલી કમણીવર્ષા શ્રી સૌમ્યગુણાશ્રીજીની પ્રેરણાથી

૯ મ્મ ૬ શુ ત્વ નુ રા ગી જ મ કો ષ સિ ઠા

**શ્રીમતી નયનાબેન રમેશચંદ્ર શાહ - સ્પર્ધિવાર [વડોદરા]**

#### ● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયાચાર્યકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [લાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-લાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વીંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી ખેરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલબાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ.નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાપટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોકીપોળ, શ્વે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનપ્રાત્ન, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છ. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્ધા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

## ● ૪૫ - આગમ સેટ-થોળલા ઝાઢક - દાતા ●

૫. પૂ. સા. સૌમ્યગુણશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જયાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ઈ. શાહ, ગુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ પુલિયાવાળા

૧ કાંતિલાલ હજારીલાલ ચોવટીયા

૨ સંઘવી રતનલાલ ભગવાનદાસ રાહોડ

૩ મધુમતી રાજેબ રેદાસની

૪ સરલાબેન રમેશચંદ વોરા

૫ સુખનાથ બાલચંદજી ચોરડીયા

૬ અ.સૌ.હંસાબેન ઉત્તમલાલ સુખડીયાના વર્ણિતપ નિષિતે ઉત્તમલાલ રતીલાલ રાણપુરાવાળા તરફથી

૭ સ્વ. પૂ. પિતાશ્રી રતિલાલ ત્રારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જામવંઘલી) નંદુરબાર

૨ ગં. સ્વ. સુરજબેન ધદમશી શાહ. હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર ચે. મુર્તિ સંઘના શ્રાવિકાબહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ મુનિલાલજી શિવલાલજી, સોનગીર

૫ સુખડીયા ચત્રભુજ જગમોહનદાસ હ. વીરાભાઈ - ધોરાજી

૬ શાહ મફતલાલ ફકીરચંદ, વિધિકારક (ડાબોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ મનસુખલાલ શાહ, અમદાવાદ

૮ સા. શ્રી સૌમ્યગુણાશ્રીજીની પ્રેરણાથી શ્રીમતી જસુદેવેન લક્ષ્મીચંદ મેતા, હ.ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોથાભાઈ પરિવાર હ. બાલુબેન, રામપુરા

૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુશ્રી સા. શ્રી સુતારાશ્રીજી જામનગરવાળાના ઉપદેશથી તથા તેમના પદશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ આમગણેટ યોજના-નાભઠાલા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

## -: ગં ધા ણુ ક્ક મ :-

ક્રમકો	દસાઓ	સુત્ર	ગાથા	અણુક્કમ	પિટ્ઠકો
૧	અસમાહિ ઠાળા	૧-૨	-	૧-૨	૨-
૨	સબલા	૩-	-	૩-	૨-૩
૩	આસાયણા	૪-	-	૪-	૩-૪
૪	ગગિસંપદા	૫-૧૫	-	૫-૧૫	૪-૫
૫	ચિત્ત સમાહિઠાળા	૧૬-૧૭	૧-૧૭	૧૬-૩૪	૫-૭
૬	ઉવાસગપઠિમા	૧૮-૩૦	-	૩૫-૪૭	૭-૧૦
૭	મિકૂલુપઠિમા	૩૧-૩૫	-	૪૮-૫૨	૧૧-૧૩
૮	પજ્જોસવળા	૩૬-	-	૫૩-	૧૩-
૯	પોહગિજ્જઠાળા	૩૭-૧-	૧૮-૫૬	૫૪-૯૩	૧૪-૧૬
૧૦	નિદાણ-આઈ	૩૭-૫૭		૯૪-૧૧૪	૧૬-૨૪

## પરિસિદ્ધ-નિદંસણ

ક્રમ	પરિસિદ્ધ	પિટ્ઠકો
૧	વિસમાણુક્કમો	૮
૨	વિસિદ્ધસદાણુક્કમો	૮
૩	વિસેસ નામાણુક્કમો	૮
૪	ગાઠાણુક્કમો	૮
૫	સુતાણુક્કમો	૮

## સૂચના પત્ર

- આગમ સૂત્રોમાં ઠાળી બાજુએ ઉપાયેલ પ્રથમ-અંક, સૂત્ર તથા ગાથાનો સંયુક્ત સળંગ ક્રમાંક સૂચવે છે. [અણુક્કમ]
- છેડે જમણી બાજુએ દર્શાવેલ હિન્દી ક્રમાંકન આગમમંજુષામાં ઉપાયેલ સૂત્રાંક અને ગાથાંક સૂચવે છે. [ક્રમ]
- સૂત્રને જણાવવા માટે અહીં ઉભા લીટા । ની વચ્ચે આગમમંજુષાનો સૂત્રાંક મૂકેલો છે. [સુત્રકો]
- ગાથાને જણાવવા માટે અહીં બે ઉભા લીટા ॥ ની વચ્ચે આગમમંજુષા નો ગાથાંક મૂકેલો છે. [ગાથકો]
- છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનપદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
- અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજા વખત આવેલો જણવો. - શોધવો.
- જ્યાં સૂત્રોમાં [ ] આ રીતે ચોરસ કોંસ મૂકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કચેલ પૂર્તિ દર્શાવે છે.

नमो नमो निम्प्यत दंतणस्त

एवम गणादर श्री सुधर्मा स्वामिने नमः

## ३७ दत्तासुयकूखंध

चउत्थं छेयसुत्तं

पदमा—दत्ता—असमाहिठाणा

(१) नमो अरिहंतानं, नमो सिद्धानं, नमो आयरियाणं, नमो उवज्झायाणं, नमो लोए सव्व साहूणं, एसो पंच नमुक्कारो, सव्वपाववष्णासणो, मंगलाणं च सव्वेसि, पदमं हवइ मंगलं, सुयं मे आउसं तेणं भगवता एवमक्खातं ।१।

(२) इह खलु धेरेहिं भगवंतेहिं वीसं असमाहिठ्ठाणा पत्रत्ता कयरे खलु ते धेरेहिं भगवंतेहिं वीसं असमाहिठ्ठाणा पत्रत्ता इमे खलु ते धेरेहिं भगवंतेहिं वीसं असमाहिठ्ठाणा पत्रत्ता तं जहा-दवदवचारी यावि भवति अप्पमज्जियचारी यावि भवति दुप्पज्जियचारी यावी भवति अतिरित्त-सेज्जासणिए रातिणियपरिभासी येरोवधातिए भूतोवधातिए संजलणे कोहणे पिड्डिमंसिए यावि भवइ अभिक्खणं अभिक्खणं ओधारिता, नवाइं अधिकरणाइं अनुप्पण्णाइं उप्पाइत्ता भवइ, पोराणाइं अधिकरणाइं खामित-विओस-विताइं उदीरित्ता भवइ, अकाले सज्जायकारए यावि भवति ससरक्खपाणिपादे, सट्ठकरे झंझकरे, कलहकरे, सुरप्पमाणभोई, एसणाए असमिते यावि भवइ एते खलु ते धेरेहिं भगवंतेहिं वीसं असमाहिठ्ठाणा पत्रत्ता ति वेमि ।२।

● पदमा दत्ता समत्ता ●

बितियादत्ता - सबला

(३) सुयं मे आउसं तेणं भगवता एवमक्खातं—इह खलु धेरेहिं भगवंतेहिं एककवीसं सबला पत्रत्ता कयरे खलु ते धेरेहिं भगवंतेहिं एककवीसं सबला पत्रत्ता इमे खलु ते धेरेहिं भगवंतेहिं एककवीसं सबला पत्रत्ता तं जहा-हत्यकम्पं करेमाणे सबले मेहुणं पडिसेवमाणे सबले रातीभोयणं भुंजमाणे सबले आहारकम्पं भुंजमाणे सबले रायपिंडं भुंजमाणे सबले कीयं पामिच्चं अच्चिज्जं अणिसिद्धं आहुट्ठु दिज्जमाणं भुंजमाणे सबले अभिक्खणं पडियाइक्खित्ताणं भुंजमाणे सबले अंतो छण्हं मासाणं गणातो गणं संकममाणे सबले अंतो मासस्स तओ दगलेवे करेमाणे सबले अंतो मासस्स ततो माइड्ढाणे करेमाणे सबले सागारियपिंडं भुंजमाणे सबले आउट्टियाए पाणाइयायं करेमाणे सबले आउट्टियाए मुसावायं वदमाणे सबले आउट्टियाए अदित्रादाणं गिण्हमाणे सबले आउट्टियाए अनंतरहिंयाए पुढवीए ठाणं वा सेज्जं वा निसीहियं वा चेतमाणे सबले आउट्टियाए ससणिद्धाए पुढवीए ससरक्खपाए पुढवीए ठाणं वा सेज्जं वा निसीहियं वा चेतमाणे सबले आउट्टियाए चित्तमंताए सिलाए चित्तमंताए लेलूए कोलावासंसि वा दारुए जीवपइट्टिए सअंडे सपाणे सबीए सहरिए सउत्से सउत्तिग-पणग-दगमट्टी-मक्कडासंताणए ठाणं वा सेज्जं वा निसीहियं वा चेतमाणे सबले आउट्टियाए मूलभोयणं वा कंदभोयणं वा खंधभोयणं वा तयाभोयणं वा पवालभोयणं वा पत्तभोयणं वा पुप्फभोयणं वा फलभोयणं वा वीयभोयणं वा हरियभोयणं वा

पुंजमाणे सबले अंतो संवच्छरस्स दस दगलेवे करेमाणे सबले अंतो संवच्छरस्स दस माइहाणाइ करेमाणे सबले आउट्टियाए सीतोदगवग्घारिएण हत्थेण वा मत्तेण वा दब्बीए भायाणेण वा असणं वा पाणं वा खाइमं वा साइमं वा पडिगाहेत्ता पुंजमाणे सबले एते खलु धेरेहिं पगवंतेहिं एककवीसं सबला पत्रत्ता ति वेमि ।३।

● बित्तिया दसा सपत्ता ●

तइयादसा - आसायणा

(४) सुयं मे आउसं तेणं भगवया एवमक्खायं - इह खलु धेरेहिं भगवंतेहिं तेत्तीसं आसायणाओ पत्रत्ताओ कतराओ खलु ताओ धेरेहिं भगवंतेहिं तेत्तीसं आसायणाओ पत्रत्ताओ इमाओ खलु ताओ धेरेहिं भगवंतेहिं तेत्तीसं आसायणाओ पत्रत्ताओ तं जह्म-सेहे रात्तिणियस्स पुरतो गंता भवति आसादणा सेहस्स सेहे रात्तिणियस्स सपक्खं गंता भवति आसादणा सेहस्स सेहे रात्तिणियस्स आसन्नं गंता भवति आसादणा सेहस्स सेहे रात्तिणियस्स पुरओ चिद्धित्ता भवति आसादणा सेहस्स सेहे रात्तिणियस्स आसन्नं चिद्धित्ता भवति आसादणा सेहस्स सेहे रात्तिणियस्स पुरतो निसीइत्ता भवति आसादणा सेहस्स सेहे रात्तिणियस्स सपक्खं निसीइत्ता भवति आसादणा सेहस्स सेहे रात्तिणियस्स आसन्नं निसीइत्ता भवति आसादणा सेहस्स सेहे रात्तिणियेण सद्धिं बहिया विधारभूमिं निकखंते समाणे पुब्बामेव सेहतराए आयामेइ पच्छा रात्तिणिए आसादणा सेहस्स सेहे रात्तिणिएण सद्धिं बहिया विहारभूमिं वा विधारभूमिं वा निकखंते समाणे तत्थ पुब्बामेव सेहतराए आलोएति पच्छा रात्तिणिए आसादणा सेहस्स केइ रात्तिणियस्स पुब्बं संलत्ताए सिया तं पुब्बामेव सेहतराए आलवति पच्छा रात्तिणिए आसादणा सेहस्स सेहे रात्तिणियस्स रातो वा यिआले वा वाहमाणस्स अज्जो के सुत्ते के जागरे तत्थ सेहे जागरमाणे रात्तिणियस्स अपडिसुणेत्ता भवति आसादणा सेहस्स सेहे असणं वा पाणं वा खाइमं वा साइमं वा पडिगाहेत्ता तं पुब्बामेव सेहतराणस्स आलोएइ पच्छा रात्तिणियस्स आसादणा सेहस्स सेहे असणं वा पाणं वा खाइमं वा साइमं वा पडिगाहेत्ता तं पुब्बामेव सेहतराणस्स पडिदंसेति पच्छा रात्तिणियस्स आसादणा सेहस्स सेहे असणं वा पाणं वा खाइमं वा साइमं वा पडिगाहेत्ता तं पुब्बामेव सेहतराणं उवनिमंतंति पच्छा रात्तिणियं आसादणा सेहस्स सेहे रात्तिणिएण सद्धिं असणं वा पाणं वा खाइमं वा साइमं वा पडिगाहेत्ता तं रात्तिणियं अनापुच्छित्ता जस्स-जस्स इच्छइ तस्स-तस्स खद्धं-खद्धं दलयइ आसादणा सेहस्स सेहे असणं वा पाणं वा खाइमं वा साइमं वा पडिगाहेत्ता राइणिएण सद्धिं आहारमाणे तत्थ सेहे खद्धं-खद्धं डाअं डाअं रसियं-रसियं ऊसदं-ऊसदं मणुण्णं-मणुण्णं मणामं-मणामं निद्धं-निद्धं लुक्खं-लुक्खं आहरेत्ता भवइ आसादणा सेहस्स सेहे रात्तिणियस्स आहारमाणस्स अपडिसुणिता भवइ आसादणा सेहस्स सेहे रात्तिणियस्स आहारमाणस्स तत्थगते चेव पडिसुणेत्ता भवति आसादणा सेहस्स सेहे रात्तिणियं किं ति वत्ता भवति आसादणा सेहस्स सेहे रात्तिणियं तुमंति वत्ता भवति आसादणा सेहस्स सेहे रात्तिणियं खद्धं-खद्धं यत्ता भवति आसादणा सेहस्स सेहे रात्तिणियं तज्जाएण तज्जाएण पडिमणित्ता भवइ आसादणा सेहे रात्तिणियस्स कहं कहेमाणस्स इति एवंति वत्ता न भवति आसादणा सेहस्स सेहे रात्तिणियस्स कहं कहेमाणस्स नो सुमरसीति वत्ता भवति आसादणा सेहस्स सेहे रात्तिणियस्स कहं कहेमाणस्स परिसं भेत्ता भवति आसादणा सेहस्स सेहे रात्तिणियस्स कहं कहेमाणस्स कहं आछिदित्ता भवति आसादणा सेहस्स सेहे रात्तिणियस्स कहं कहेमाणस्स तीसे



परिसाए अनुष्ठिताए अभिन्नाए अच्योच्छिन्नाए अच्योच्छाडाए दोब्बांपि तच्चंपि तमेव कहां कहेत्ता भवति आसादणा सेहस्स सेहे रातिणियस्स सेह्ना-संधारयं पाएणं संबुद्धित्ता इत्येयं अणुणुणावेत्ता यच्छति आसादणा सेहस्स सेहे रातिणियस्स सेह्ना-संधारए चिद्धिता या निसीइत्ता वा तुयद्धिता वा भयइ आसादणा सेहस्स सेहे रातिणियस्स उच्चासणंसि वा समासणंसि वा चिद्धिता वा निसीइत्ता वा तुयद्धिता वा भवति आसा- दणाःसेहस्स एताओ खलु ताओ धेरेहिं भगवंतेहिं तेत्तींसं आसादणाओ पत्रत्ताओ ति बेमि ।४।

● इन्द्रया वसा सप्तता ●

### चउत्थीदसा - गणिसंपदा

(५) सुयं मे आउसं तेणं भगवया एवमक्खात्संइह खलु धेरेहिं भगवंतेहिं अद्धविहा गणिसंपदा पत्रत्ता क्यरा खलु धेरेहिं भगवंतेहिं अद्धविहा गणिसंपदा पत्रत्ता इमा खलु धेरेहिं भगवंतेहिं अद्धविहा गणिसंपदा पत्रत्ता तं जहा-आचारसंपदा सुतसंपदा सरीरसंपदा वयणसंपदा वायणासंपदा मतिसंपदा पओगसंपदा संगहपरिण्णा मयं अइत्ता ।५।

(६) से किं तं आचारसंपदा आचारसंपदा चउत्थिहा पत्रत्ता तं जहा-संजमधुव-जोगजुते याचि भवति असंपग्गहियप्पा अपियत्तकित्ती-युब्बसीते याचि भवति से तं आचारसंपदा ।६।

(७) से किं तं सुतसंपदा सुतसंपदा चउत्थिहा पत्रत्ता तं जहा-बहुसुते याचि भवति परिचि- तसुते याचि भवति विचित्तसुते याचि भवति घोसविसुद्धिकारए याचि भवति से तं सुतसंपदा ।७।

(८) से किं तं सरीरसंपदा सरीरसंपदा चउत्थिहा पत्रत्ता तं जहा-आरोहपरिण्णाह-संपत्रे याचि भवति अनोतप्पसरीरि धिरसंघयणे बहुपडियुत्तिदिए याचि भवति से तं सरीरसंपदा ।८।

(९) से किं तं वयणसंपदा वयणसंपदा चउत्थिहा० आदिअवयणे याचि भवति महरवयणे याचि भवति अनिस्सियवणे याचि भवति असंदिद्धभासी याचि भवति से तं वयणसंपदा ।९।

(१०) से किं तं वायणासंपदा वायणासंपदा चउत्थिहा पत्रत्ता तं जहा-विजयं उदिसति विजयं वाएति परिनिव्वाधियं वाएति अत्तनिअवए याचि भवति से तं वायणासंपदा ।१०।

(११) से किं तं मतिसंपदा मतिसंपदा चउत्थिहा पत्रत्ता तं जहा-ओग्गहमतिसंपदा ईहामतिसंपदा अवायमतिसंपदा धारणामतिसंपदा से किं तं ओग्गहमती ओग्गहमती छविहा पत्रत्ता तं जहा-खिप्पंओगिण्हति बहुओगिण्हति बहुविधंओगिण्हति धुयंओगिण्हति अणिस्सियं ओगिण्हति असंदिद्धंओगिण्हति से तं ओग्गहमती एयं ईहामती वि एयं अवायमती वि से किं तं धारणामती धारणामती छविहा पत्रत्ता तं जहा-बहुंघरेति बहुविधंघरेति पोरारणंघरेति दुद्धरंघरेति अणिस्सियंघरेति असंदिद्धंघरेति से तं धारणामती से तं मतिसंपदा ।११।

(१२) से किं तं पओगसंपदा पओगसंपदा चउत्थिहा पत्रत्ता तं जहा-आतं विदाय वादं पउंजित्ता भवति, परिसं विदाय वादं पउंजित्ता भवति छेतं विदाय वादं पउंजित्ता भवति वत्तु विदाय वादं पउंजित्ता भवति से तं पओगसंपदा ।१२।

(१३) से किं तं संगहपरिण्णासंपदा संगहपरिण्णासंपदा चउत्थिहा पत्रत्ता तं जहा-बहुजणपाओग्गताए वासावासासु छेतं पडिलेहित्ता भवति बहुजणपाओग्गताए पाडिहारियपीढ-फलगसेआसंधारयं ओग्गेहित्ता भवति कालेणं कालं समाणइत्ता भवति अहागुरु संपुएत्ता भवति से तं संगहपरिण्णासंपदा ।१३।

(१४) आयरिओ अंतेवासिं इमाए चउव्विधाए विनयपडिवतीए विनएत्ता निरिणत्तं गच्छति तं जहा-आयारविणएणं सुयविणएणं विक्खेवणाविणएणं दोसनिग्घायणाविणएणं से किं तं आयारविणए आयारविणए चउव्विहे पत्रत्ते तं जहा-संजमसामायारी यावि भवति तवसाभायारी यावि भवति गणसामायारी यावि भवति एगल्लविहारसामायारी यावि भवति से तं आयारविणए से किं तं सुतविणए सुतविणए चउव्विहे पत्रत्ते तं जहा-सुत्तं वाएति अत्थं वाएति हियं वाएति निस्सेसं वाएति से तं सुतविणए से किं तं विक्खेवणाविणए विक्खेवणाविणए चउव्विहे पत्रत्ते तं जहा-अदिट्ठं दिट्ठपुव्वगताए विणएत्ता भवति दिट्ठपुव्वगं साहम्मियत्ताए विणएत्ता भवति चुयं धम्माओ धम्मे ठावइत्ता भवति तस्सेव धम्मस्स हियाए सुहाए खमाए निस्सेसाए अनुगामियत्ताए अब्भुट्ठेत्ता भवति से तं विक्खेवणाविणए से किं तं दोसनिग्घायणाविणए दोसनिग्घायणाविणए चउव्विहे पत्रत्ते तं जहा-कुद्धस्स कोहं विणएत्ता भवति दुट्ठस्स दोसं निगिण्हिता भवति क्खियस्स कंखं छिदिता भवति आया सुप्पणिहिते यावि भवति से तं दोसनिग्घायणाविणए ।१४।

(१५) तस्सेवं गुणजातीयस्स अंतेवासिस्स इमा चउव्विहा विनयपडिवती भवति तं जहा-उवगरणउप्पायणया साहिल्लया वण्णसंजलणता भारपच्चोरुहणता से किं तं उवगरणउप्पायणया उवगरणउप्पायणया चउव्विहा पत्रत्ता तं जहा-अनुप्यण्णाइं उवगरणाइं उप्पाएत्ता भवति पोरणाइं उवगरणाइं सारक्खिता भवति संगोव्विता भवति परित्तं जाणित्ता पच्चुद्धरित्ता भवति अहाविधिं संविभइत्ता भवति से तं उवगरणउप्पायणया से किं तं साहिल्लया साहिल्लया चउव्विहा पत्रत्ता तं जहा-अनुलोभवइसहिते यावि भवति अनुलोमकायकिरियत्ता पडिरूवकायसंफासणया सब्बत्थेसु अपडिल्लोमया से तं साहिल्लया से किं तं वण्णसंजलणता वण्णसंजलणता चउव्विहा पत्रत्ता तं जहा-आहातच्चापं वण्णवाइं भवति अवण्णवातिं पडिहणित्ता भवति वण्णवातिं अनुवूहइत्ता भवति आया बुड्ढसेवी यावि भवति से तं वण्णसंजलणता से किं तं भारपच्चोरुहणता भारपच्चोरुहणता चउव्विहा पत्रत्ता तं जहा-असंगहियपरिजणं संगहित्ता भवति सेहं आयारगोयरं गाहित्ता भवति साहम्मियस्स गिलायमाणस्स आहायायं वेयावच्चे अब्भुट्ठेत्ता भवति साहम्मियाणं अधिकरणंसि उप्पत्रंसि तत्थ अपिस्सितोवस्सिए अपक्खगाही मज्झत्यभावभूते सम्पं ववहरमाणे तस्स अधिकरणस्स खामणविओसमणत्ताए सया समियं अब्भुट्ठेत्ता भवति क्कहं नु साहम्मिया अप्पसद्दा अप्पज्झा अप्पकलहा अप्पतुमंतुमा संजमबहुला संवरबहुला समाहिबहुला अपमत्ता संजमेण तवसा अप्पाणं भावेमाणा णं एवं च णं विहरेज्जा से तं भारपच्चोरुहणता-एसा खलु धेरेहिं भगवंतेहिं अट्ठविहा गणिसंपदा पत्रत्ता ति बेमि ।१५।

### ● चउव्वी दसा सप्पत्ता ●

#### पंचमादसा - चित्तसमाहिठाना

(१६) सुयं मे आउसं तेणं भगवया एवमक्खायं-इह खलु धेरेहिं भगवंतेहिं दस चित्त-समाहिठानाइं पत्रत्ताइं कतराइं खलु ताइं धेरेहिं भगवंतेहिं दस चित्तसमाहिठानाइं पत्रत्ताइं इमाइं खलु ताइं धेरेहिं भगवंतेहिं दस चित्तसमाहिठानाइं पत्रत्ताइं तं जहा-तेणं कल्लेणं तेणं समएणं वाणियग्गामे नगरे होत्था एत्थ नगरवण्णओ भाणियव्वो तस्स णं वाणियग्गामस्स नगरस्स बहिया उत्तरपुरत्थिमे दिसीभागे दूतिपलासए नामं चेइए होत्था चेइयवण्णओ भाणियव्वो जित्तसत्तू राया

तस्स णं धारणी देयी एवंच सव्वं समोत्तरणं भाणितव्वं जाव पुढवीसिलापट्टए सानी समोसडे परिसा निग्गया धम्मो क्हिओ परिसा पडिगया । १६ ।

(१७) अज्जो इति समणे भगवं महावीरे समणा निग्गंथा य निग्गंधीओ य आमंतेत्ता एवं वयासी-इह खलु अज्जो निग्गंधाणं वा निग्गंधीण वा इरियासमिताणं भासासमिताणं एसणा-समिताणं आयाणभंडमतनिकखेवणासमिताणं उच्चार-पासवणखेलसिंघाणजल्लपरिड्ढावणिता-समिताणं मणसमिताणं बयसमिताणं कायसमिताणं मणगुत्ताणं वयगुत्ताणं कायगुत्ताणं गुत्ताणं गुत्तिदियाणं गुत्तबंधयारीणं आयड्डीणं आयहिताण आयजोगीणं आयपरक्कमाणं पक्खियपोसं-हिएसु समाधिपताणं झियायमाणणं इमाइं दस चित्तसमाहिट्ठाणाइं असमुप्पन्नपुव्याइं समुप्पज्जिजा तं जहा-धम्मचिंता वा से असमुप्पन्नपुव्या समुप्पज्जेजा जाणितए, सण्णिनाणे वा से असमुप्पन्नपुव्ये समुप्पज्जेज्जा अहं सरामि, सुमिणंदंसणे वा से असमुप्प-न्नपुव्ये समुप्पज्जेजा अहातच्चं सुमिणं पासित्तए, देवदंसणे वा से असमुप्पन्नपुव्ये समुप्पज्जेजा दिव्वं देवडिंढ दिव्वं देवजुइं दिव्वं देवाणुभावं पासित्तए, ओहिनाणे वा से असमुप्पन्नपुव्ये समुप्पज्जेजा ओहिणा लोयं जाणितए, ओहिदंसणे वा से असमुप्पन्नपुव्ये समुप्पज्जेजा ओहिणा लोयं पासित्तए, मणपज्जवनाणे वा से असमुप्पन्नपुव्ये समुप्पज्जेजा अंतो मणुस्सखेते अइद्धातिज्जेसु दीवसमुद्देसु सण्णीणं पंचोदियाणं पज्जतगाणं मणोगते भावे जाणितए, केवलनाणे वा से असमुप्पन्नपुव्ये समुप्पज्जेजा केवलकयं लोयालोयं जाणितए, केवलदंसणे वा से असमुप्पन्नपुव्ये समुप्पज्जेजा केवलकयं लोयालोयं पासित्तए, केवलमरणे वा से असमुप्पन्नपुव्ये समुप्पज्जेजा सब्बदुक्खपहीणाए । १७ ।

- |      |   |      |
|------|---|------|
| (१८) | ओयं चित्तं समादाय ज्ञाणं समणुपस्सति ।<br>धम्मे ठिओ अविमणो निव्व्याणमभिगच्छइ     | ॥१॥  |
| (१९) | न इमं चित्तं समादाए भुज्जो लोयंसि जायति ।<br>अप्पणो उत्तमं ठाणं सण्णीनाणेण जाणइ | ॥२॥  |
| (२०) | अहातच्चं तु सुयिणं खिप्पं पासइ संबुडे ।<br>सव्वं च ओहं तरती दुक्खतो य विमुच्चइ  | ॥३॥  |
| (२१) | पंताइ भयमाणस्स विवित्तं सयणासणं ।<br>अप्पाहारस्स दंतस्स देवा दंसंति तातिणो      | ॥४॥  |
| (२२) | सव्वकामविरत्तस्स खमतो मयमेरवं ।<br>तओ से तोधी भवति संजतस्स तवस्सिणो             | ॥५॥  |
| (२३) | तवसा अवहइल्लेस्स दंसणं परिसुज्जति ।<br>उइद्धमहेतिरियं च सव्वं समणुपस्सति        | ॥६॥  |
| (२४) | मुसमाहडलेसस्स अवितक्कस्स भिक्खुणो ।<br>सव्वओ विप्पमुक्कस्स आया जाणति पज्जवे     | ॥७॥  |
| (२५) | जदा से नाणावरणं सव्वं होति खयं गयं ।<br>तदा लोगमलोगं च जिनो जाणति केवलि         | ॥८॥  |
| (२६) | जदा से दंसणावरणं सव्वं होइ खयं गयं ।<br>तदा लोगमलोगं च जिनो पासइ केवली          | ॥९॥  |
| (२७) | पडिमाए विसुद्धाए मोहणिज्जे खयं गते ।<br>असेसं लोगमलोगं च पासति सुसमाहिया        | ॥१०॥ |

(२८)	जहा मत्थए सुईए एताए हम्मती तले । एवं कम्माणि हम्मति मोहणिजे खयं गते	॥११॥
(२९)	सेणावतिम्मि निहते जहा सेणा पणास्सती । एवं कम्मा पणस्संति मोहणिजे खयं गते	॥१२॥
(३०)	धूपहीणे जहा अग्गी खीयती से निरिंघणे । एवं कम्माणि खीयंति मोहणिजे खयं गते	॥१३॥
(३१)	सुककमूले जहा रुक्खे सिद्धमाणे न रोहति । एवं कम्मा न रोहंति मोहणिजे खयं गते	॥१४॥
(३२)	जहा दड्ढाण बीयाण न जायंति पुणंकुरा । कम्मवीएसु दड्ढेसु न जायंति भवंकुरा	॥१५॥
(३३)	चिद्धा ओरालियं बोदि नामगोत्तं च केवली । आउयं देयणिज्जं च च्छित्ता भवति नीरओ	॥१६॥
(३४)	एवं अभिसमागम्म चित्तमादाय आउसो । सेणिसोधिमुदागम्म आतसोधिमुवेइइ ॥ त्ति वेमि	॥१७॥

● पंचमा दसा सप्तता ●

### छठी दसा-उवासगपडिमा

(३५) सुयं से आउसं तेणं भगव्या एवमक्खातं-इह खलु धेरेहिं भगवंतेहिं एक्कारस उवासगपडिमाओ पत्रत्ताओ कवरा खलु ताओ धेरेहिं भगवंतेहिं एक्कारस उवासगपडिमाओ पत्रत्ताओ इमाओ खलु ताओ धेरेहिं भगवंतेहिं एक्कारस उवासगपडिमाओ पत्रत्ताओ तं जहा-अकिरियावादी यावि भवति-नाहियवादी नाहियपत्रे नाहियदिट्ठी नो सम्मावादी नो नित्तियावादी नसंति-परलोगवादी नत्थि इहलोए नत्थि परलोए नत्थि माता नत्थि पिता अरहंता नत्थि चक्कवट्ठी नत्थि बलदेवा नत्थि वासुदेवा नत्थि सुक्कडजदुककडाणं फलवित्तिविसेसो नो सुचिण्णा कम्मा सुचिण्णफला भवंति नो दुचिण्णा कम्मा दुचिण्णाफला भवंति अफले कल्लाणपावए नो पद्यायंति जीवा नत्थि निरयादि ह्व नत्थि सिद्धी से एवंवादी एवंपत्रे एवंदिट्ठी एवंछंदरागमभिनिविट्ठे यावि भवति से य भवति महिच्छे महारंभेमाहापरिग्गहे अहम्मिए अहम्माणुए अहम्मसेवी अहम्मिडे अधम्मक्खाई अधम्मरागी अधम्मपलोई अधम्मजीवी अधम्मपलजणे अधम्मसीलसमुदाचारे अधम्मणं चैव वित्तिं कपेमाणे विहरइ हण छिंद भिंद वेकतए लोहियपाणी पावो चंडो रुद्धो खुद्धो स्रहस्सिओ उक्कचण-चंचण-माया-निअडी-कवड-कूड-साति-संपयोगबहुले दुस्सीले दुपरिचए दुरगुणेए दुव्वए दुपडियानंदे निस्सीले निग्गुणे निम्मेरे निपद्यक्खाणपोसहोववासे असाहू सव्वाओ पाणाइवायाओ अप्पडिविए जावज्जीवाए एवं जाव सव्वाओ कोहाओ सव्वाओ माणाओ सव्वाओ मायाओ सव्वाओ लोभाओ सव्वाओ पेज्जाओ दोसाओ कलहाओ अब्भक्खाणाओ पेसुन्न-परपरिवादाओ अरतिरति-मायामोसाओ मिच्छादंसण-सल्लाओ अपडिविए जावज्जीवाए सव्वाओ ण्हाणुम्महणा-अब्भंगण-वण्णग-विलेवण-सह-फरिस-रस-रूव-गंध-मल्लालंकाराओ अप-डिविए जावज्जीवाए सव्वाओ सगड-रह-जाण-जुग-गिद्धि-थिद्धि-सीया-संदमाणिय-सयणासण-जाण-वाहण-मोयण-पवित्थरविधीओ अपडिविए जावज्जीवाए सव्वाओ आस-हत्थि-गो-महिस्-

गवेलय-दासी-दास-कम्मकारपरुसाओ अपडिविरए जावज्जीवाए हिरण्ण-सुवण्ण-धन्न-मणि-मोतिय-संख-सिलप्पवालाओ अपडिविरए जावज्जीवाए हिरण्ण-सुवण्ण-धण-धन्न-मणि-मोतिय-संख-सिलप्पवालाओ अपडिविरए जावज्जीवाए सव्वाओ कूडतुल-कूडमाणाओ अपडिविरए जावज्जीवाए सव्वाओ आरंभ-समारंभाओ अपडिविरए जावज्जीवाए सव्वाओ करण-कारावणाओ अपडिविरए जावज्जीवाए सव्वाओ पयण-पयावणाओ अपडिविरए जावज्जीवाए सव्वाओ कुट्टण-पिट्टण-तज्जण-त्तालण-वह-बंध-परिकिलेसाओ अपडिविरए जावज्जीवाए जेयावण्णे तहप्पगारा सावज्जा अबोधिआ कम्मता परपाणपरितावणकडा कज्जंति ततो वि अ णं अपडिविरए जावज्जीवाए

से जहानामए केइ पुरिसे कल-मयूर-तिल-मुग्ग-मास-निष्पाव-कुलत्थ-आलिसंदग-सईणा-पलिमथ एमादिएहिं अयते कूरे मिच्छादंडं पउंजइ एवामेव तहप्पगारे पुरिसज्जाते तित्तिर-वट्टा-त्तावय-कपोत-कंपिजल-मिय-महिस-वराह-गाह-गोध-कुम्भ-सिरीसवादिएहिं अयते कूरे मिच्छादंडं पउंजइ जावि य से बाहिरिया परिसा भवति तं जहा-दासेति वा पेसेति वा भतएति वा भइल्लेति वा कम्मरएति वा भोगपुरिसेति वा तेसिंपि य णं अण्णयरंगिसि अहालपुयंसि अथराथंसि सयमेव गरुयं दंडं वत्तेति तं जहा-इमं दंडेह इमं मुंडेह इमं वज्जेह इमं तालेह इमं अंदुबंधणं करेह इमं नियलबंधणं करेह इमं हडिबंधणं करेह इमं चारगबंधणं करेह इमं नियलजुयल-संकोडियमोडितं करेह इमं हत्थच्छिन्नं करेह इमं पायच्छिन्नं करेह इमं कन्नच्छिन्नं करेह इमं नक्खच्छिन्नं करेह इमं ओट्टच्छिन्नं करेह इमं सीसच्छिन्नं करेह इमं मुखच्छिन्नं करेह इमं मज्झच्छिन्नं करेह इमं वेयच्छिन्नं करेह इमं हियउप्पाडियं करेह एवं नयण-दसण-वसण-जित्थुप्पाडियं करेह इमं ओलंबितं करेह इमं उल्लंबितं करेह इमं घंसिययं करेह इमं धोलितयं करेह इमं सूलाइतयं करेह इमं सूलाभित्रं करेह इमं खारवतियं करेह इमं दब्बवतियं करेह इमं सीहपुच्छितयं करेह इमं वसमपुच्छितयं करेह इमं कडग्गिदइद्वयं करेह इमं काकिण्णिमंसखाविततं करेह इमं भत्तपाणनिरुद्धयं करेह इमं जावज्जीवबंधणं करेह इमं अन्नतरेणं असुभेणं कुमारेणं पारेह जावि य से अम्भितरिया परिसा भवति तं जहा-माताति वा पिताति वा भायाति वा भगिणिति वा भज्जाति वा धूयाति वा सुण्हाति वा तेसिं पि य णं अण्णयरंसि अहालहुसगंसि अवराहंसि सयमेव गरुयं डंडं वत्तेति तं जहा-सीतोदगंसि कायं ओबोलित्ता भवति उसिणोदगवियडेण कायं ओसिंचित्ता भवति अगणिकाएणं कायं ओडहित्ता भवति जोत्तेण वा वेत्तेण वा नेत्तेण वा कसेण वा छिवाए वा लताए वा पासाइं उट्टालित्ता भवति डंडेण वा अडीण वा मुडीण वा लेलूण या कवालेण वा कायं आओडेत्ता भवति तहप्पगारे पुरिसज्जाते संवसमाणे दुमणा भवति तहप्पगारे पुरिसज्जाते विष्णवसमाणे सुमणा भवति तहप्पगारे पुरिसज्जाते दंडमासी दंडगरुए दंडपुरक्खडे अहिते अस्सिं लोयंसि अहिते परंसि लोयंसि से दुक्खेति से सोयति एवं जूरेति तिप्पेति पिट्ठेति परितप्पति से दुक्खण-सोयण-जूरण-तिप्पण-पिट्टण-परितप्पण-वह-बंध-परिकिलेसाओ अपडिविरते भवति

एवामेव से इत्थिकामभोगेहिं मुच्छिते गिद्धे गढिते अज्झोयवत्ते जाव वासाइं चउपंचमाइं छहसमाणि वा अप्पतरो वा भुज्जतरो वा कालं भुज्जित्ता भोगभोगाइं पसवित्ता वेरायतणाइं संचिणित्ता बहूइं कूराइं कम्माइं ओसन्नं संभारकडेणं कम्मणा-से जहानामए अयगोलेति वा सेल-गोलेति वा उदयंसि पक्खित्तं समाणे उदगतलमतिवत्तित्ता अहे धरणिगतलपतिट्ठान्णे भवति एवामेव तहप्पगारे पुरिसज्जाते वज्जबहुले घुतबहुले पंकवहुले वेरबहुले दंभ-नियडि-साइबहुले अयसबहुले

अपत्तियबहुले उस्सणं तसपाणघाती कालमासे कालं किच्चा धरणिगतलमतितत्ता अहे नरगत-  
लपतिद्धाने भवति, ते णं नरगा अंतो वट्टा बाहिं चउरंसा अहे खुरप्पसंठाणसंठिया निच्चंधकार  
तमसा ववगय-गह-चंद-सूर-नक्खत्त-जोइसपह्हा मेद-वसा-मंस-रुहिर-पूयपडल-चिकिखल्ललित्ता-  
पुलेवणतला असुई वीसा परमदुब्धिगंधा काउ-अगणिवण्णाभा कक्खडफासा दुरहियासा असुभा  
नरगा असुभा नरयस्स वेदणाओ नो चेव णं नरएसु नेरइया निरयवेयण पच्चगुभवमाणा विहरंति से  
जहानामाए रुक्खे सिया पव्वतगे जाते मूलच्छिन्ने अग्गे गुरुए जतो निन्नं जतो दुग्गं जतो विसमं  
ततो पवडति एवामेव तहप्पगारे पुरिसज्जाते गब्भातो गब्भं जम्भातो जम्मं मारातो मारं दुक्खातो  
दुक्खं दाहिणगामिए नेरइए किण्हपक्खित्ते आगमेस्साणं दुल्लभबोधिते यावि भवति से तं  
अकिरियावादी १९८।

(३६) सेतं किरियावादी किरियावादी यावि भवति तं जहा-आहियवादी आहियपत्रे  
आहियदिद्वी सम्मावादी नीयावादी संतिपरलोगवादी अत्थि इहलोगे अत्थि परलोगे अत्थि माता  
अत्थि पिता अत्थि अरहंता अत्थि चक्कवट्ठी अत्थि बलदेवा अत्थि वासुदेवा अत्थि सुक्-  
डदुक्कडाणं फलवित्तिवित्सेसे सुचिण्णा कम्मा सुचिण्णफला भवति दुचिण्णा कम्मा दुचिण्णफला  
भवति सफले कल्लणपावए पच्चयंति जीवा अत्थि निरयादि ह्म अत्थि सिद्धी से एवंवादी एवंपत्रे  
एवंदिद्वीच्छंदरागमभिनिविडे आवि भवति से य भवति महिच्छे जाव उत्तरगामिए नेरइए  
सुकूपक्खित्ते आगमेस्साणं सुलभबोधिते यावि भवति से तं किरियावादी १९९।

(३७) सव्वधम्मरुई यावि भवति तस्स णं बहूइं सील-व्वय-गुण-वेरमण-पच्चक्खाण-  
पोसहोववासाइं नो सम्मं पट्टवित्ताइं भवति एवं देसणसावगोत्ति पट्टमा उवासगपडिमा १२०।

(३८) अहावरा दोच्चा उवासगपडिमा-सव्वधम्मरुई यावि भवति तस्स णं बहूइं सील-व्वय-  
गुण-वेरमण-पच्चक्खाण-पोसहोववासाइं सम्मं पट्टवित्ताइं भवति से णं सामाइयं देसावगासियं नो  
सम्मं अनुपालित्ता भवति दोच्चा उवासगपडिमा १२१।

(३९) अहावरा तच्चा उवासगपडिमा-सव्वधम्मरुई यावि भवति तस्स णं बहूइं सील-व्वय-  
वेरमण-पच्चक्खाण-पोसहोववासाइं सम्मं पट्टवित्ताइं भवति से णं सामाइयं देसावगासियं सम्मं  
अनुपालित्ता भवति से णं चाउइसट्टमुद्दिट्टपुत्रमासिणीसु पडिपुत्रं पोसहोववासं नो सम्मं  
अनुपालित्ता भवति तच्चा उवासगपडिमा १२२।

(४०) अहावरा चउत्था उवासगपडिमा-सव्वधम्मरुई यावि भवति तस्स णं बहूइं सील-व्वय-  
जाव पट्टवित्ताइं भवति से णं सामाइयं देसावगासियं सम्मं अनुपालित्ता भवति से णं चाउइसट्ट  
[मुद्दिट्टपुत्रमासिणीसु पडिपुत्रं पोसहोववासं] सम्मं अनुपालित्ता भवति से णं एगराइयं  
उवासगपडिमं नो सम्मं अनुपालित्ता भवति चउत्था उवासगपडिमा १२३।

(४१) अहावरा पंचमा उवासगपडिमा-सव्वधम्मरुई यावि भवति तस्स णं बहूइं सील जाव  
भवति सम्मं पट्टवित्ताइं भवति से णं सामाइयं जाव भवति से णं चाउइसट्ट जाव से णं एगराइयं  
उवासगपडिमं सम्मं अनुपालित्ता भवति से णं असिणाणए वियडभोई मउलिकडे दियाबंभचारी  
रत्ति परिमाणकजे से णं एतारूवेणं विहारेणं विहरमाणे जहण्णेणं एगाहं था दुयाहं दा तियाहं वा  
उक्कोसेणं पंचमासे विहरेज्जा पंचमा उवासगपडिमा १२४।

(४२) अहावरा छट्ठा उवासगपडिमा-सव्वधम्म जाव से णं एगराइयं उवासगपडिमं सम्मं  
अनुपालित्ता भवति से णं असिणाणए वियडभोई मउलिकडे रातोवरातं बंभचारी सचित्तहारे से

अपरिण्णाते भवति से णं एतारूवेणं विहारेणं विहरमाणे जहण्णेणं एगाहं वा दुयाहं वा तियाहं वा उक्कोसेणं छम्मासे विहरेज्जा उट्ठा उवासगपडिमा ।२५।

(४३) अहावरा सत्तमा उवासगपडिमा-से सब्बधम्म जाव रातोवरातं बंभचारी सचिन्ताहारे से परिण्णाते भवति आरंभे से अपरिण्णाते भवति से णं एतारूवेणं विहारेणं विहरमाणे जहण्णेणं एगाहं वा दुयाहं वा तियाहं वा उक्कोसेणं सत्तमासे विहरेज्जा सत्तमा उवासगपडिमा ।२६।

(४४) अहावरा अट्टमा उवासगपडिमा-सब्बधम्मरुई यावि भवति जाव रातोवरातं बंभ-चारी सचिन्ताहारे से परिण्णाते भवति आरंभे से परिण्णाते भवति पेस्सारंभे से अपरिण्णाते भवति से णं एतारूवेणं विहारेणं विहरमाणे जहण्णेणं एगाहं वा दुयाहं वा तियाहं वा उक्कोसेणं अट्टमासे विहरेज्जा अट्टमा उवासगपडिमा ।२७।

(४५) अहावरा नवमा उवासगपडिमा-जाव आरंभे से परिण्णाते भवति पेस्सारंभे से परिण्णाते भवति उट्ठिद्धभत्ते से अपरिण्णाते भवति से णं एतारूवेणं विहारेणं विहरमाणे जहण्णेणं एगाहं वा दुयाहं वा तियाहं वा उक्कोसेणं नवमासे विहरेज्जा नवमा उवासगपडिमा ।२८।

(४६) अहावरा दसमा उवासगपडिमा-सब्बधम्मरुई यावि भवति जाव उट्ठिद्धभत्ते से परिण्णाते भवति से णं खुरमुंडए वा छिधलिधारए वा तस्स णं आभट्टस्स समाभट्टस्स कप्पति दुवे भासाओ भासित्तए तं जहा-जाणं वा जाणं अजाणं वा नोजाणं से णं एतारूवेणं विहारेणं विहरमाणे जहन्नेणं एगाहं वा दुयाहं वा तियाहं वा उक्कोसेणं दसमासे विहरेज्जा दसमा उवासगपडिमा ।२९।

(४७) अहावरा एक्कारसमा उवासगपडिमा-सब्बधम्म जाव उट्ठिद्धभत्ते से परिण्णाते भवति से णं खुरमुंडए वा लुत्तसिरए वा गहितायारभंडगनेवत्थे जे इमे समणाणं निग्गंथाणं घम्मो तं सम्मं काएण फासेमाणे पालेमाणे पुरतो जुगमायाए पेहमाणे दट्टुणं तसे पाणे उट्टु पायं रीएज्जा साहट्टु पायं रीएज्जा वित्तिरिच्छं वा पायं कट्टु रीएज्जा सति परक्कमे संजयामेव परक्कमेज्जा नो उज्जुयं गच्छेज्जा केवलं से नातए पेज्जबंधणे अब्बोच्छिन्ने भवति एवं से कप्पति नायवीरियं एतए तत्थ से पुव्वागमणेणं पुव्वाउत्ते चाउलोदणे पच्छाउत्ते भिलंगसूवे कप्पति से चाउलोदणे पडिगाहिते भिलंगसूवे पच्छाउत्ते चाउलोदणे कप्पति से भिलंगसूवे पडिगाहितए नो से कप्पति चाउलोदणे पडिगाहितए तत्थ से पुव्वागमणेणं दोवि पुव्वाउत्ताइं कप्पति से दोवि पडिगाहितए तत्थ से पद्दागमणेणं दोवि पच्छाउत्ताइं नो से कप्पति दोवि पडिगाहितए जेसे तत्थ पुव्वागमणेणं पुव्वाउत्ते से कप्पति पडिगाहितए जेसे तत्थ पुव्वागमणेणं पच्छाउत्ते सेसे नो कप्पति पडिगाहितए तस्स णं गाहावइकुलं पिंडवायपडियाए अनुप्पविट्टस्स कप्पति एवं वदिताए-समणोवासगस्स पडिमापडि-वत्तस्स भिवखं दलय्ह तं एतारूवेणं विहारेणं विहरमाणं कंइ पासित्ता वदिज्जा-कंइ आउसो तुमंसि वत्तत्वं सिया समणोवासए पडिमापडिवत्तए अहमंसीति वत्तत्वं सिया से णं एतारूवेणं विहारेणं विहरमाणे जहण्णेणं एगाहं वा दुयाहं वा तियाहं वा उक्कोसेणं एकारस मासे विहरेज्जा एक्कारसमा उवासगपडिमा एयाओ खलु ताओ धेरेहिं भगवंतेहिं एक्कारस उवासगपडिमाओ पत्तत्ताओ ति वेमि ।३०।

● उट्टा दत्ता सप्तता ●

सत्तमादत्ता - भिक्खुपडिमा

(४८) सुतं मे आउसं तेणं भगवया एवमक्खातं-इह खलु धेरेहिं भगवंतेहिं वारस

भिक्खुपडिमाओ पन्नत्ताओ कतराओ खनु ताओ थेरेहिं भगवंतेहिं बारस भिक्खुपडिमाओ पन्नत्ताओ इमाओ खनु ताओ थेरेहिं भगवंतेहिं बारस भिक्खुपडिमाओ पन्नत्ताओ तं जहा-मासिया भिक्खुपडिमा दोमासियाभिक्खुपडिमा तेमासियाभिक्खुपडिमा चउमासियाभिक्खुपडिमा पंचमासियाभिक्खुपडिमा छम्भासियाभिक्खुपडिमा सत्तनासियाभिक्खुपडिमा पढमा सत्तरातिदिया भिक्खुपडिमा दोद्दासत्तरातिदियाभिक्खुपडिमा तद्दासत्तरातिदियाभिक्खुपडिमा अहोरातिदियाभिक्खुपडिमा एगराडयाभिक्खुपडिमा ।३१।

(४९) मासियण्णं भिक्खुपडिमं पडिवन्नस्स अणगारस्स निच्चं वोसद्धकाए चत्तदेहे जे केइ उवसया उववज्जति तं जहा-दिब्बा वा माणुस्सा वा तिरिकखजोणिया वा ते उप्पत्रे सम्पं सहति खमति तितिकखति अहियासेति मासियण्णं भिक्खुपडिमं पडिवन्नस्स अणगारस्स कप्पति एगा दत्ती भोयणस्स पडिगाहेत्तए एगा पाणगस्स अण्णाउंछं सुद्धोवहडं निज्झहित्ता बहवे दुपय-चउप्पय-समण-माहण-अतिहि-किवण-वणीमाए कप्पति से एगस्स भुंजमाणस्स पडिग्गाहेत्तए नो दोण्हं नो तिण्हं नो चउण्हं नो पंचण्हं नो गुब्बिणीए नो बालवच्छाए नो दारगं पज्जेमाणीए नो अंतो एलुयस्स दोवि पाए साहडु दलमाणीए नो बाहिं एलुयस्स दोवि पाए साहडु दलमाणीए एगं पादं अंतो किच्चा एगं पादं बाहिं किच्चा एलुयं विकखंभइत्ता एवं दलयति एवं से कप्पति पडिग्गाहेत्तए एवं नो दलयति एवं नो से कप्पति पडिग्गाहेत्तए मासियण्णं भिक्खुपडिमं पडिवन्नस्स अणगारस्स तओ गोयराकाला पन्नत्ता तं जहा-आदि मज्जे चरिमे, आदिं चरति नो मज्जे चरति नो चरिमे चरति, मज्जे चरति नो आदिं चरति नो चरिमे चरति, चरिमे चरति नो आदिं चरति नो मज्जे चरति मासियण्णं भिक्खुपडिमं पडिवन्नस्स अणगारस्स छव्विधा गोयराचरिया पन्नत्ता तं जहा-पेला अद्धपेला गोमुत्तिया पर्यंगवीहिया संबुक्कावहा गंतुपद्धानता मासियण्णं भिक्खुपडिमं पडिवन्नस्स अणगारस्स जत्थ णं केइ जाणइ गाम्मसि वा जाव मडंबसि वा कप्पति से तत्थ एगरायं वत्थए जत्थ णं केइ न जाणइ कप्पति से तत्थ एगरायं वा दुरायं वा वत्थए नो से कप्पति एगरायातो वा दुरायातो वा परं वत्थए जे तत्थ एगरायातो वा दुरायातो वा परं वसति से संतरा छेदे वा परिहारे वा मासियण्णं भिक्खुपडिमं पडिवन्नस्स अणगारस्स कप्पति चत्तारि भासाओ भासित्तए तं जहा-जायणी पुच्छणी अनुण्णमणी पुट्टस्स वागरणी, मासियण्णं भिक्खुपडिमं पडिवन्नस्स अणगारस्स कप्पति तओ उवस्सया पडिलेहित्तए तं जहा-अहेआरामगिहंसि वा अहेवियडगिहंसि वा अहेरुक्खमूलगिहंसि वा मासियण्णं भिक्खुपडिमं पडिवन्नस्स अणगारस्स कप्पति तओ उवस्सया अनुण्णवेत्तए तं जहा-अहेआरामगिहंसि वा अहेवियडगिहंसि वा अहेरुक्खमूलगिहंसि वा मासियण्णं भिक्खुपडिमं पडिवन्नस्स अणगारस्स कप्पति तओ उवस्सया उवाइणित्तए जाव मासियण्णं भिक्खुपडिमं पडिवन्नस्स अणगारस्स कप्पति तओ संथारगा पडिलेहित्तए जाव मासियण्णं भिक्खुपडिमं पडिवन्नस्स अणगारस्स कप्पति तओ संथारगा अनुण्णवेत्तए जाव मासियण्णं भिक्खुपडिमं पडिवन्नस्स अणगारस्स कप्पति तओ संथारगा उवाइणित्तए [तं जहा-पुढविसिलं वा कट्टसिलं वा अहासंथडमेव] मासियण्णं भिक्खु-पडिमं पडिवन्नस्स अणगारस्स इत्थी उवस्सयं हव्वमागच्छेज्जा सइत्थिए व पु रेसे नो से कप्पति तं पडुच्च निक्खमित्तए वा पविसित्तए वा तत्थ णं केइ बाहाए गहाय आगसेज्जा नो से कप्पति तं अवलंबित्तए वा पद्यलंबित्तए वा कप्पति से अहारियं रीइत्तए मासियण्णं भिक्खुपडिमं पडिवन्नस्स अणगारस्स पायंसि खाणू वा कंटए वा हीए वा सक्करए वा



अनुपविसेञ्जा नो से कप्पति नीहरित्ताए वा विसोहेत्ताए वा कप्पति से अहारियं रीइत्ताए मासियण्णं भिक्खुपडिमं पडिवन्नस्स अणगारस्स अच्छिसि पाणाणि वा बीयाणि वा एए वा परिवावजेञ्जा नो से कप्पति नीहरित्ताए वा विसोहेत्ताए वा कप्पति से अहारियं रीइत्ताए मासियण्णं भिक्खुपिमं पडिवन्नस्स अणगारस्स जत्थेव सूरिए अत्थमेञ्जा तत्थेव जत्तंसि वा थलंसि वा दुग्गंसि वा निण्णंसि वा पव्वतंसि वा विसमंसि वा गइद्दाए वा दरीए वा कप्पति से तं रयणिं तत्थेव उयातिणावेत्ताए नो से कप्पति पदमपि गमित्ताए कप्पति से कल्लं पाउप्पभायाए रयणीए फुल्लुप्पल-कमल-कोमलुम्मिलियम्मि अहंपंडुरे पहाए रत्तासोग्गपास-किंसुय-सुयमुह-गुजद्ध-राग-सरिसे कमलाग-रसंडबोहए उट्ठियम्मि सूरिे सहस्सरस्सिमि दिणयरं तेयसा जलंते पाईणाभिमुहस्स वा पडीणाभिमुहस्स वा दाहिणाभिमुहस्स वा उत्तराभिमुहस्स वा अहारियं रीइत्ताए मासियण्णं भिक्खुपडिमं पडिवन्नस्स अणगारस्स नो कप्पति अनंतरहिताए पुट्टवीए निद्दाइत्ताए वा पयलाइत्ताए वा केवली बूया-आदाननेयं से तत्थ निद्दायमाणे वा पयलायमाणे वा हत्थेहिं भूमिं परामुसेञ्जा अहाविहिमेव ठाणं ठाइत्ताए निक्खमित्ताए वा उच्चारपासवणेणं उव्वाहेत्ताए नो से कप्पति ओगिण्हित्ताए वा कप्पति से पुव्वपडिलेहिए थंडिले उच्चारपासवणं परिट्ठवित्ताए तमेव उवस्सयं आगम्प ठाणं ठावित्ताए मासियण्णं भिक्खुपडिमं पडिवन्नस्स अणगारस्स नो कप्पति ससरक्खेणं काएण गाहावइकुलं भत्ताए वा पाणाए वा निक्खमित्ताए वा पविसित्ताए वा अह पुणेवं जाणेञ्जा-ससरक्खे सेअत्ताए वा जल्लत्ताए वा मलत्ताए वा पंकत्ताए वा विद्धत्थे से कप्पति गाहावइकुलं भत्ताए वा पाणाए वा निक्खमित्ताए वा पविसित्ताए वा मासियण्णं भिक्खुपडिमं पडियन्नस्स अणगारस्स नो कप्पति सीओदगवियडेण वा उसिणोदगवियडेण वा हत्थाणि वा दंताणि वा अच्छीणि वा मुहं वा उच्चो- त्तित्ताए वा पघोइत्ताए वा नन्त्थ लेवालेवेण वा भत्तामासेण वा मासियाण्णं भिक्खुपडिमं पडिवन्नस्स अणगारस्स नो कप्पति आसस्स वा हत्थिस्स व गोगस्स वा महिसस्स वा सीयालस्स वा विरालस्स वा कोकंतियस्स वा ससगस्स वा चिद्धलस्स वा सुणगस्स वा कोलसुणगस्स वा दुट्ठस्स आवदमाणस्स पदमवि पच्चोसक्कित्ताए अदुट्ठस्स आवदमाणस्स कप्पति जुगमित्तं पच्चोसक्कित्ताए अदुट्ठस्स आवदमाणस्स कप्पति जुगमित्तं पच्चोसक्कित्ताए मासियण्णं भिक्खुपडिमं पडिवन्नस्स अणगारस्स नो कप्पति छायातो सीयंति नो उण्हं एतए उण्हाओ उण्हंति नो छायं एतए जं जत्थ जया सिया तं तत्थ अहियासए एवं खलु एसा मासियभिक्खुपडिमा अहासुत्तं अहाकप्पं अहामगं अहातद्यं सम्मं काएण फासिया पालिया सोहिया तीरिया किट्ठिया आराहिया आणाए अनुपालिया यावि भवति ।३२।

(५०) दोमासियण्णं भिक्खुपडिमं पडिवन्नस्स अणगारस्स निच्चं दोसट्ठकाए चत्तदेहे जे केइ उवसग्गा उदवज्जंति तं जहा-दिच्चा वा माणुस्सा वा तिरिक्खजोणिया वा ते उप्पन्ने सम्मं सहति खमति तित्तिक्खति अहियासेति सेसं तं चेव नवरं-दो दत्तीओ तेमासियं तिण्णि दत्तीओ चाउमासियं चत्तारि दत्तीओ पंचमासियं पंच दत्तीओ छम्मासियं छ दत्तीओ सत्तमासियं सत्त दत्तीओ जतिमासिया तत्तिया दत्तीओ ।३३।

(५१) पढमं सत्तरातिदियण्णं भिक्खुपडिमं पडिवन्नस्स अणगारस्स निच्चं दोसट्ठकाए जाव अहियासेति कप्पति से चउत्थेणं भत्तेणं अपाणएणं बहिया गामस्स वा जाव रायहाणीए वा उत्ताणगस्स वा पासेल्लगस्स वा नेसजियस्स वा ठाणं ठाइत्ताए तत्थ दिव्वमाणुस-तिरिक्खजोणिया

उवसग्गा समुप्पजेज्जा ते णं उवसग्गा पयालेज्ज वा पवाडेज्ज वा नो से कप्पति पयलित्ताए वा पवडित्ताए वा तत्थ से उच्चारपासवणं उव्वाहेज्जा नो से कप्पति उच्चारपासवणं ओगिण्हित्ताए वा कप्पति से पुव्वपडिलेहियंसि थंडिलंसि उच्चारपासवणं परिठवित्ताए अहाविहिमेव ठाणं ठाइत्ताए एवं खलु एसा पढ्मा सत्तरातिदिया भिक्खुपडिमा अहासुत्तं जाव आणाए अनुपालिया यावि भवति एवं दोच्चा सत्तरातिदियावि नवरं-दंडातिथस्स वा लंगंडसाइस्स वा उक्कुडुयस्स वा ठाणं ठाइत्ताए सेसं तं चेव जाव अनुपालिया यावि भवति एवं तच्चा सत्तरातिदियावि भिक्खुपडिमा अहासुत्तं जाव आणाए अनुपालिया यावि भवति एवं दोच्चा सत्तरातिदियावि नवरं-दंडातिथस्स वा लंगंडसाइस्स वा उक्कुडुयस्स वा ठाणं ठाइत्ताए सेसं तं चेव जाव अनुपालिया यावि भवति एवं तच्चा सत्तरातिदियावि भवति नवरं-गोदोहियाए वा वीरासणियस्स वा अंबखुज्जस्स वा ठाणं ठाइत्ताए सेसं तं चेव जाव अनुपालिया यावि भवति ।३४।

(५२) एवं अहोरातियावि नवरं-छट्ठेणं भत्तेणं अपाणएणं बहिया गामस्स वा जाव रायहाणीए वा ईसिं दोवि पाए साहट्ठु बग्घारियपाणिस्स ठाणं ठाइत्ताए जाव एगराइयणं भिक्खुपडिमं पडिवन्नस्स अणगारस्स निच्चं थोसट्ठकाए जाव अहियासेति कप्पइ से अट्ठमेणं भत्तेणं अपाणएणं बहिया गामस्स वा जाव रायहाणीए वा दोवि पाए साहट्ठु बग्घारियपाणिस्स एगपोगलनिरुद्धदिट्ठिस्स अणिसननयणस्स ईसिं पढ्मारगतोणं काएणं अहापनिहितेहिं गतेहिं सच्चिदिहएहिं गुतेहिं ठाणं ठाइत्ताए तत्थ दिव्व-माणुस्स-तिरिच्छजोणिया उवसग्ग समुप्पजेज्जा ते णं उवसग्गा पयालेज्ज वा पवाडेज्ज वा नो से कप्पति पयलित्ताए वा पवडित्ताए वा तत्थ से उच्चारपासवणं उव्वाहेज्जा नो से कप्पति उच्चारपासवणं ओगिण्हित्ताए वा कप्पति से पुव्वपडिलेहियंसि थंडिलंसि उच्चारपासवणं परिठवित्ताए अहाविहिमेव ठाणं ठाइत्ताए, एगराइयणं भिक्खुपडिमं अणपाले-माणस्स इमे तओ ठाणा अहियाए असुभाए अखमाए अनिस्सेसाए अणाणुगामियत्ताए भवति तं जहा-उम्भायं वा लमेज्जा दीहकालियं वा रोयायकं पाउणेज्जा केवलपन्नताओ वा धम्माओ मंसेज्जा, एगराइयणं भिक्खुपडिमं सम्भं अनुपालेमाणस्स अणगारस्स इमे तओ ठाणा हियाए सुभाए खमाए निस्सेसाए अनुगामियत्ताए भवति तं जहा-ओहिनाणे वा से समुप्पजेज्जा मणपज्जवनाणे वा समुप्पजेज्जा केवलनाणे वा से असुमप्पत्रपुव्वे समुप्पजेज्जा एवं खलु एसा एगरातिया भिक्खुपडिमा अहासुत्तं अहाकप्पं अहामग्गं अहातच्चं सम्भं काएणं फासिया पालिया सोहिया तीरिया किट्ठिया आराहिया आणाए अनुपालिया यावि भवति एयाओ खलु ताओ धेरेहिं भगवंतेहिं बारस भिक्खुपडिमाओ पन्नताओ ति बेमि ।३५।

### ● सत्तमा दसा सक्ता ●

#### अट्ठम दसा - पज्जोसवणा

(५३) तेणं कालेणं तेणं समएणं समणे भगवं महावीरे पंच हत्थुतरे होत्या तं जहा-हत्थुत्तराहिं चुए चइत्ता गब्भं वक्कंते हत्थुत्तराहिं गब्भातो गब्भं साहरिते हत्थुत्तराहिं जाते हत्थुत्तराहिं मुंडे भवित्ता अगारातो अणगारितं पव्वइए हत्थुत्तराहिं अनंते अनुतरे निव्वाधाए निरावरणे कसिणे पडिपुत्रे केवलवरनाणदंसणे समुप्पत्रे सातिणा परिनिव्वुए भयवं जाव भुज्जो-भुज्जो उवदंसेइ ति बेमि ।३६।

### ● अट्ठम दसा समत्ता ●

### नवमा—दसा मोहणिज्जट्टाणा

(५४) तेणं कालेणं तेणं समएणं चंपा नाम नयरी होत्या-वण्णओ पुज्जपदे नामं चेइए-  
वण्णओ कोणिए राया धारिणी देवी सामी समोसदे परिसा निग्गया धम्मो कहितौ परिसा पडिग्गया  
अज्जोति समणे मगयं महावीरे बहवे निग्गंथा य निग्गंथीओ य आमंतेत्ता एवं वदासी-एवं खलु  
अज्जो तीसं मोहणिज्जट्टाणाइं जाइं इमाइं इत्थी वा पुरिसो वा अभिक्खणं-अभिक्खणं आयरेमाणे वा  
समायरेमाणे वा मोहणिज्जत्ताए कम्मं पकरोइ [तंजहा]- 1३७-१1

- |      |  |        |
|------|--|--------|
| (५५) | जे केइ तसे पाणे वारिमज्जे विगाहिया ।<br>उदएएणककम्म मारेति महामोहं पकुव्वति       | 11१८11 |
| (५६) | पाणिणा संपिहित्तणं सोयपावरिया पाणिणं ।<br>अंतो नदंतं मारेति महामोहं पकुव्वति     | 11१९11 |
| (५७) | जायतेयं समारब्धं बहुं ओरुंभिया जणं ।<br>अंतो धूमेण मारेति महामोहं पकुव्वति       | 11२०11 |
| (५८) | सीसम्मि जो पण्णति उत्तमंगम्मि चेतसा ।<br>विमज्ज मत्थगं फाले महामोहं पकुव्वति     | 11२१11 |
| (५९) | सीसावेद्वेण जे केइ आवेद्वेति अभिक्खणं ।<br>तिव्वासुहसमायारे महामोहं पकुव्वति     | 11२२11 |
| (६०) | पुणो-पुणो पणिहीए हणित्ता उवहसे जणं ।<br>फलेणं अदुव इंडेणं महामोहं पकुव्वति       | 11२३11 |
| (६१) | गूढाचारी निग्गूहेज्जा मायं माथाए छायाई ।<br>असच्चवाई निण्हाई महामोहं पकुव्वति    | 11२४11 |
| (६२) | धंसेति जो अभूतेणं अकम्मं अत्तकम्मुणा ।<br>अदुवा तुमकासिति महामोहं पकुव्वति       | 11२५11 |
| (६३) | जाणमाणो परिसाए सच्चामोसाणि भासति ।<br>अज्झीणझंजे पुरिसे महामोहं पकुव्वति         | 11२६11 |
| (६४) | अणायगस्स नयवं दारे तस्सेव धंसिया ।<br>विउलं विकखोमइत्ताणं किच्चणं पडिबाहिरं      | 11२७11 |
| (६५) | उयकसंतंपि झंपेत्ता पडिलोमाहिं वग्गुहिं ।<br>भोगभागे वियारेति महामोहं पकुव्वति    | 11२८11 |
| (६६) | अकुमारभूते जे केइ कुमारभूतेत्तिहं वदे ।<br>इत्थीहिं गिद्धे विसए महामोहं पकुव्वति | 11२९11 |
| (६७) | अबंधचारी जे केइ बंधचारित्तिहं वदे ।<br>गहमेव्व गवं मज्जे विसरं नदती नदं          | 11३०11 |
| (६८) | अप्पणो अहिए वाले मायामोसं बहुं मसे ।<br>इत्थीविसयगेहीए महामोहं पकुव्वति          | 11३१11 |
| (६९) | जं निस्सितो उव्वहती जससहिगमेण वा ।<br>तस्स लुब्भसि वित्तंसि महामोहं पकुव्वति     | 11३२11 |

(७०)	इस्सरेण अदुवा गामेण अणिस्सरे इस्सरीकए । तस्स संपग्गहितस्स सिरी अतुलमागता	॥३३॥
(७१)	इस्सादोसेण आइडे कलुसाविलचेतसे । जं अंतरायं चेतैति महामोहं पकुव्वति	॥३४॥
(७२)	सप्पी जहा अंडउडं भत्तारं जो विहिंसइ । सेनावतिं पसत्थारं महामोहं पकुव्वति	॥३५॥
(७३)	जे नायगं व रट्टस्स नेतारं निगमस्स वा । सेट्ठिं च बहुरवं हंता महामोहं पकुव्वति	॥३६॥
(७४)	बहुजणस्स नेतारं दीवं ताणं च पाणिणं । एतारिसं नरं हंता महामोहं पकुव्वति	॥३७॥
(७५)	उवड्ढियं पडिविरयं संजयं सुतवस्सियं । वोकम्म धम्माओ भंसे महामोहं पकुव्वइ	॥३८॥
(७६)	तहेवानंतनार्पीणं जिणाणं घरदंसिणं । तेसिं अवण्णवं बाले महामोहं पकुव्वति	॥३९॥
(७७)	नेयाउयस्स मग्गस्स दुडे अवयरई बहुं । तं तिप्पयंतो भावेति महामोहं पकुव्वति	॥४०॥
(७८)	आयरिय-उवज्झाएहिं सुयं विनयं च गाहिए । ते चेव खिसती बाले महामोहं पकुव्वति	॥४१॥
(७९)	आयरिय-उवज्झायाणं सम्मं न पडितप्पति । अप्पडिपूयए थद्धे महामोहं पकुव्वति	॥४२॥
(८०)	अबहुस्सुते वि जे केइ सुतेणं पविकत्थइ । सज्जायवायं वायंइ महामोहं पकुव्वति	॥४३॥
(८१)	अतवस्सिते य जे केइ तवेणं पविकत्थति । सव्वलोगपरे तेणे महामोहं पकुव्वति	॥४४॥
(८२)	साहारणट्ठा जे केइ गिलाणम्मि उवड्ढितै । पभू न कुव्वती किच्चं मज्झं पेस न कुव्वती	॥४५॥
(८३)	सढे नियडिपन्नाणे कलुसाउलचेतसे । अप्पणो य अबोहीए महामोहं पकुव्वति	॥४६॥
(८४)	जे क्हाधिकरणाइं संपरंजे पुणो-पुणो । सव्वतित्थाण पेयाए महामोहं पकुव्वति	॥४७॥
(८५)	जे य आधम्मिए जोए संपरंजे पुणो-पुणो । सहाहेउं सहीहेउं महामोहं पकुव्वति	॥४८॥
(८६)	जे य माणुस्सए भोगे अदुवा पारलोइए । तेऽतिप्पयंतो आसयति महामोहं पकुव्वति	॥४९॥
(८७)	इड्ढी जुतीं जसो घण्णो देवाणं बलवीरियं । तेसिं अवण्णवं बाले महामोहं पकुव्वति	॥५०॥

(८८)	अपस्समाणो पस्सामि देवे जक्खे य गुज्झगे । अन्नाणी जिणपूयट्ठी महामोहं पकुव्वति	॥५१॥
(८९)	एते मोहगुणा वुत्ता कम्मंता वित्तवद्धणा । जे तु भिक्खू दिवज्जेत्ता चरेज्जत्तगवेसए	॥५२॥
(९०)	जं जाणिया इतो पुव्वं किच्चाकिच्चं बहु जढं । तं वंता ताणि सेविज्जा तेहिं आयारवं सिया	॥५३॥
(९१)	आयार गुत्ते सुद्धप्पा धम्मे ठिच्चा अनुत्तरे । ततो वमे सए दोसे विसमासीविसो जहा	॥५४॥
(९२)	सुवंतदोसे सुद्धप्पा धम्मट्ठी विदितापरे । इहेव लभते किर्त्ति पेच्चा य सुगतिं वरं	॥५५॥
(९३)	एवं अभिसमागम्म सूरा दढपरक्कमा । सच्चमोहविणिम्भुक्का जातीमरणमतिच्छिया-ति वेमि	॥५६॥

● नय्या दत्ता सप्तता ●

**दत्तमा—दत्ता**

(९४) तेषं कालेणं तेषं समएणं रायगिहे नामं नयरे होत्था-वण्णओ गुणसिलए चेइए रायगिहे नगरे सेणिए नामं राया होत्था-रायवण्णओ एवं जहा उववाइए जाव चेइएणए सद्धि विहरति ॥३७॥

(९५) तए णं से सेणिए राया भिंभिसारे अन्नया कयाइ ण्हाए कयबलिकम्मे कयकोउय-मंगल-पायच्छित्ते सिरसा कंठे मालकडे आविद्धमणि-सुवण्णे कप्पियहारद्धहार-तिसरय-पालंब-पलंबमाणकडिसुत्तय-सुकयसोभे पिणिद्धागेवेजे अंगुलेज्जगलितियंगय-ललियकयाभरणे जाव कप्परुक्खए चेव अलंकित-विभूसिते नरिंदे सकोरंटमल्लदामेणं छत्तेणं धरिज्जमाणेणं जाव ससिच्च पियदंसणे नरवई जेणेव बाहिरिया उवट्ठाणसाला जेणेव सीहासणे तेणेव उवागच्छति उवागच्छिता सीहासणवरंसि पुरत्थाभिमुहे निसीयति निसीइत्ता कोडुंबियपुरिसे सद्दावेइ सद्दावेत्ता एवं वयासी-गच्छह णं तुब्भे देवाणुप्पिया जाइ इमाइ रायगिहस्स नगरस्स बहिता तं जहा-आरामाणि य उज्जाणाणि य आएसणाणि य आयतणाणि य देवकुलाणि य समातो य पणियगेह्हाणि य पणियसालातो य छुहाकम्मंताणि य वाभियकम्मंताणि य कड्डकम्मंताणि य इंगालकम्मंताणि य वणकम्मंताणि य दब्बकम्मंताणि य जे तत्थ वणमहत्तरगा अन्नत्तया चिट्ठति ते एवं यदह-एवं खलु देवाणुप्पिया सेणिए राया भिंभिसारे आणवेति-जया णं समणे भगवं महावीरे आदिकरे तित्थकरे जाव संपाविउकामे पुव्वाणुपुव्विं घरमाणे गामाणुगामं दूइज्जमाणे सुहंसुहेणं विहरमाणे संजमेणं तवसा अप्पाणं भावेमाणे इहमागच्छेज्जा तया णं तुब्भे भगवतो महावीरस्स अहापडिरुवं औग्गहं अनुजाणह अनुजाणित्ता सेणियस्स रण्णे भिंभिसारस्स एयमट्ठं पियं निवेदेज्जाह तए णं ते कोडुंबियपुरिसा सेणिएणं रण्णा भिंभिसारेणं एवं वुत्ता समाणा हट्ठ-तुड्ड-जाव इयया करयल परिग्गहियं सिरसावत्तं मत्थए अंजलिं कड्डु एवं सामि ति आणाए दिणएणं वयणं पडिसुणंति पडिसुणित्ता सेणियस्स रण्णे अंतियातो पडिनिक्खमंति पडिनिक्खमित्ता रायगिहं नगरं मज्झमज्जेणं निगच्छंति निगच्छित्ता जाइ इमाइ रायगिहस्स बहिता आरामाणि य जाव जे तत्थ

महत्तरया अन्नया चिद्वृत्ति ते एवं वर्दति जाव सेणियस्स रण्णो एयमट्ठं पियं निवेदेज्जाह पियं भे भवतु दोघं पि तच्चं पि एवं वर्दति बदिता जामेव दिसं पाउब्भूया तामेव दिसं पडिगता ।३८।

(१९) तेणं कालेण तेणं समएणं समणे भगवं महावीरे आइगरे तित्यगरे जाव गामाणुगामं दूइज्जमाणे [सुहंसुहेणं विहरमाणे संजमेणं तवसा] अप्पाणं भावेमाणे विहरति तते णं रायगिहे नगरे सिंघाडग-तिय-चउक्क-चच्चर-चउम्मुह-महापह-पहेसु जाव परिसा निग्गता जाव पञ्जुवासेति तते णं ते चेव महत्तरगा जेणेव समणे भगवं महावीरे तेणेव उवागच्छंति उवागच्छिता समणं भगवं महावीरं तिक्खुत्तो आयाहिण-पयाहिणं करेति करेता वंदंति नमंसंति वंदित्ता नमंसित्ता नामगोयं पुच्छंति पुच्छित्ता नामगोयं पधारेति पधारेत्ता एगततो मित्तंति मिलित्ता एगंतमवक्कमंति अवक्कभित्ता एवं वदासि- जस्स णं देवाणुप्पिया; सेणिए राया दंसणं पीहेति जस्स णं देवाणुप्पिया सेणिए राया दंसणं पत्येति [जस्स णं देवाणुप्पिया सेणिए राया दंसणं] अभिलसति जस्स णं देवाणुप्पिया; सेणिए राया नामगोत्तस्सवि सवणयाए हट्टुट्ट-जाव भवंति से णं समणे भगवं महावीरे आदिकरे तित्यकरे जाव सव्वन्नु सव्वदरिसी पुव्वाणुपुविं चरमाणे गामाणुगामं दुइज्जमाणे सुहंसुहेणं विहरंते इहमागते इह संपत्ते इह समोसठे इहेव रायगिहे नगरे बहिया गुणसिएए चेइए अहापडिस्सुवं ओगहं ओगिण्हित्ता संजमेणं तवसा अप्पाणं भावेमाणे विहरति तं गच्छह णं देवाणुप्पिया सेणियस्स रण्णो एयमट्ठं निवेदेमो पियं भे भवतु त्ति कट्टु एयमट्ठ अण्णमण्णस्स पडिसुणोति पडिसुणेत्ता जेणेव रायगिहे नगरे तेणेव उवागच्छंति उवागच्छिता रायगिहं नयरं मज्झमज्जेणं जेणेव सेणियस्स रण्णो गेहे जेणेव सेणिए राया तेणेव उवागच्छंति उवागच्छिता सेणियं रायं करयत्तपरिगहियं सिरसावत्तं मत्थए अंजलिं कट्टु जएणं विजएणं बद्धावेति थद्धावेत्ता एवं वयासी-जस्स णं सामी दंसणं कंछइ जाव से णं समणे भगवं महावीरे गुणसिएए चेइए जाव विहरति एत्तणं देवाणुप्पियाणं पियं निवेदेमो पियं भे भवतु ।३९।

(१७) तते णं से सेणिए राया तेसिं पुरिसाणं अंतिए एयमट्ठं सोह्वा निस्सम्म हट्टुट्ट-जाव हियए सीहासणाओ अब्भुट्टेइ अब्भुट्टेत्ता जह्वा कौणिओ जाव वंदति नमंसति वंदित्ता नमंसित्ता ते पुरिसे सक्कारेति सम्माणेति विपुलं जीदियारिहं पीतिदानं दलयति दलयित्ता पडिविसज्जेति पडिविसज्जेत्ता नगरगुत्तियं सद्दावेइ सद्दावेत्ता एवं वयासी-खिप्पामेव भो देवाणुप्पिया रायगिहं नगरं सच्चिंत्तर-बाहिरियं आसित्तसम्मज्जित्तोवलितं जाव एयमाणत्तियं पच्चप्पिणति ।४०।

(१८) तते णं से सेणिए राया बलबाउयं सद्दावेइ सद्दावेत्ता एवं वयासी-खिप्पामेव भो देवाणुप्पिया हय-नाय-रह-जोहकलियं चाउरंगिणि सेणं सण्णाहेहि जाव से वि पच्चप्पिणति तए णं से सेणिए राया जाणसालियं सद्दावेति सद्दावेत्ता एवं वयासी-खिप्पामेव भो देवाणुप्पिया धम्मियं जाणप्पवरं जुत्तामेव उवट्टवेहि उवट्टवेत्ता मम एतमाणत्तियं पच्चप्पिणाहि तते णं से जाणसालिए सेणिएणं रण्णा एवं वुत्ते समाणे हट्टु-जाव हियए जेणेव जाणसाला तेणेव उवागच्छइ उवागच्छिता जाणसालं अनुपविसति अनुपविसित्ता जाणाइं पच्चुवेक्खति पच्चुवेक्खित्ता जाणाइं पच्चोरुभति पच्चोरुभित्ता जाणाइं संपमज्जति संपमज्जित्ता जाणाइं नीणेति नीणेत्ता जाणाइं संवट्टेति संवट्टेत्ता दूसं पवीणेति पवीणेत्ता जाणाइं समलंकरेति समलंकरेत्ता जाणाइं वरभंड-मंडियाइं करेति करेत्ता जेणेव वाहणसाला तेणेव उवागच्छइ उवागच्छिता वाहणसालं अनुपविसति अनुपविसित्ता वाहणाइं पच्चुवेक्खति पच्चुवेक्खित्ता वाहणाइं संपमज्जति संपमज्जित्ता वाहणाइं अप्फालेइ अप्फालेत्ता

वाहणाइं नीणेति नीणेता दूसे पवीणेति पवीणेता वाहणाइं सालंकाराइं करेति करेता वाहणाइं वरमंड-मंडिताइं करेति करेता जाणाइं जोएति जोएता वट्टमग्गं गाहेति गाहेता पओय-लद्धिं पअ-  
 ०यधरए य समं आडहइ आडहिता जेणेव सेणिए राया तेणेव उवागच्छइ उवागच्छिता करयल  
 जाव एवं वदासी-जुते ते सामी धम्मिए जाणप्पवरे आडइं भदं तव दूहाहि [गुगाही] ।४१।

(१९) तए णं से सेणिए राया भिभिसारे जाणसालियस्स अंतिए एयमइं सोच्चा निसम्म  
 हट्टतुइ-जाव मज्जणधरे अनुपविसइ जाव कप्परुक्खए वेव अलंकिय-विमूसिते नरिंदे [सकोरंट-  
 मल्लदामेणं छत्तेणं धरिज्जमाणेणं चउवावरवालवीयइयंगे मंगल-जयसइ-कवालोए] मज्जणधराओ  
 पडिनिक्खमति पडिनिक्खमिता जेणेव चेळणा देवी तेणेव उवागच्छइ उवागच्छिता चेळणं देविं  
 एवं वदासि-एवं खलु देवाणुप्पिए समणे भगवं महावीरे आदिगरे तित्थगरे जाव संपाविउकामे  
 पुच्चाणुपुत्विं [चरमाणे गामाणुगामं दूइजमाणे सुहंसुहेणं विहरमाणे] संजमेणं तवसा अप्पणं  
 भावेमाणे विहरति तं महाफलं देवाणुप्पिए तहारूवाणं जाव तं गच्छामो देवाणुप्पिए समणं भगवं  
 महावीरं वंदामो नमंसामो सक्कारेमो सम्माणेमो कल्लणं मंगलं देवयं चेइयं पज्जुवासामो एयं ने  
 इहभवे य परभवे य हिताए सुहाए खमाए निस्सेयसाए आणुगामियताए भविस्सति ।४२।

(१००) तते णं सा चेळणा देवी सेणियस्स रण्णो अंतिए एयमइं सोच्चा निसम्म हट्ट तुइ जाव  
 पडिसुणेइ पडिसुणेता जेणेव मज्जणधरे तेणेव उवागच्छइ उवागच्छिता ण्हाया कयबलिकम्मा  
 कयकोउय-मंगल-पायच्छिता किं ते वरपायपत्तनेउर-मणिमेहल-हार-रइय-ओविय-कडग-खुइ-  
 एगावली-कंठमुरज-तिसरय-वरवलय-हेमसुत्तय-कुंडलुज्जोवियाणणा रयणभूमिसंगी चीणंसुयं  
 वत्थं परिहिता दुगुल्ल-सुकुमार-कंतरमणिज्ज-उत्तरिजा सन्नोउय-सुरभिकुसुम-सुंदररयित-पलंब-  
 सोहंत-कंत-विकसंत-चित्तमाला वरचंदणचच्चिया वराभरणभूसियंगी कालागरुधूवधूविया सिरी-  
 समाणवेसा बहुहिं खुआहिं चिलातियाहिं जाव महत्तरवंदपरिक्खिता जेणेव बाहिरियाउवट्ठाण-  
 साला जेणेव सेणिए राया तेणेव उवागच्छति ।४३।

(१०१) तए णं से सेणिए राया चेळणाए देवीए सद्धिं धम्मियं जाणप्पवरं दुरुडे सकोरंट  
 मल्लदामेणं छत्तेणं धरिज्जमाणेणं उववाइ गमेणं नेयव्वं जाव पज्जुवासइ एवं चेळणावि जाव  
 महत्तरगपरिक्खिता जेणेव समणे भगवं महावीरे तेणेव उवागच्छइ उवागच्छिता समणं भगवं  
 महावीरं यंदति नमंसति सेणियं रायं पुरओ काउं ठितिया वेव जाव पज्जुवासति तए णं समणे भगवं  
 महावीरे सेणियस्स रण्णो भिभिसारस्स चेळणाए देवीए तीसे य महतिमहालियाए परिसाए-  
 इसिपरिसाए मुनिपरिसाए जतिपरिसाए देवपरिसाए अणेगसथाए जाव धम्मो कहितो परिसा  
 पडिगया सेणितो राया पडिगतो ।४४।

(१०२) तत्य णं एमत्तियाणं निग्गंथाणं निग्गंथीण य सेणियं रायं चेळण देविं पासित्ताणं  
 इमेयारूवे अज्झट्थिए० संकप्पे समुपज्जित्या-अहो णं सेणिए राया महिइदीए जाव महेसक्खे जे णं  
 ण्हाते कयबलिकम्मे कयकोउय-मंगल-पायच्छित्ते सव्वालंकारभूसिते चेळणादेवीए सद्धिं ओरा-  
 लाइं माणुस्सगाइं भोगभोगाइं भुंजमाणे विहरति न मे दिइा देवा देवलोगसि सक्खं खलु अयं देवे  
 जति इमस्स सुचरियस्स तव-नियम-बंधेचरवासस्स कल्लणे फलवित्तिविसेसे अत्थि तं वयमवि  
 अगमेस्साइं इमाइं एयारूवाइं ओरालाइं माणुस्सगाइं भोगभोगाइं भुंजमाणा विहरामो-सेत्तं साहू  
 अहो णं चेळणा देवी महिइिदिया [महजुइया महब्बला महायसा] महेसक्खा जा णं ण्हाया

कयबलिकम्मा कयकोउय-मंगल-पायच्छिता सव्वा- लंकार- विभूसिता सेणिएण रण्णा सद्धि ओरालाई माणुस्सगाई भोगभोगाई भुंजमाणी विहरति न मे दिद्वाओ देवीओ देवलोगम्मि सक्खं खलु इयं देवी जइ इमस्स सुवरियस्स तव-नियम-बंधवचेरवासस्स कल्लाणे फलवित्तिवसेसे अत्थि तं वयमवि आगमिस्सई इमाई एवारूवाई ओरालाई जाव विहरामो-सेतं साहू साहूणी ।४५।

(१०३) अजोत्ति समणे भगवं महावीरे ते बहवे निगंथा निगंधीओ य आमंतेत्ता एवं वदासि-सेणियं रायं चेळणं देविं पासिता इमेतारूवे अज्झत्थिए (चित्ति ए पत्थिए मणोगए संकप्पे) समुपज्झित्था-अहो णं सेणिए राया महिइद्धीए जाव सेतं साहू अहो णं चेळणा देवी महिइद्धिया सुंदरा जाव सेतं साहू से नूणं अजो अत्थे सपट्टे हंता अत्थि एवं खलु समणाउसो मए धम्मं पन्नते-इणमेव निगंधे पावयणे सद्धे अनुत्तरे पडिपुत्ते केवले संसुद्धे नेआउए सल्लगतणे सिद्धिमग्गे मुत्तिमग्गे निज्जाणमग्गे निव्वाणमग्गे अवितहमविसंधी सव्वदुक्खप्पहीणमग्गे इत्थं ठिया जीवा सिज्झंति बुज्झंति मुच्चंति परिनिव्वायंति सव्वदुक्खाणमंतं करेति जस्स णं धम्मस्स निगंधे सिक्खाए उवड्ढिए विहरमाणे पुरा दिगिंछाए पुरा पिदासाए पुरा वातातवेहिं पुट्टे विरूवरूवेहिं य परिसहोवसग्गेहिं उदिण्णकामजाए यायि विहरेज्जा से य परक्कमेज्जा से य परक्कममाणे पासेज्जा-से जे इमे भवंति उग्गापुत्ता महामाउया भोगपुत्ता महामाउया एतेसि णं अण्णतरस्स अतिजायमाणस्स वा निज्जायमाणस्स वा पुरओ महं दासी-दास-किंकर-कम्मकर-पुरिस-पायत्तपरिक्खित्तं छत्तं भिंगारं गहाय निगच्छति तदनंतरं च णं पुरतो महं आसा आसवरा उमओ तेसिं नागा नागवरा पिडुओ रहा रहवरा रहसंगेद्धि से णं उद्धरियसेयच्छते अब्भुग्गतभिगारे पग्गहियतालियंटे पवियत्तसेयचामर-वालवीयणीए अभिक्खणं अतिजातिय-निज्जातिय-सप्पमासे पुव्वायरं च णं ण्हाते कयबलिकम्मे कयकोउय-मंगल-पायच्छित्ते सिरसा ण्हाए कंठमालकडे आविद्धमणि-सुवण्णे कप्पियमाल-मउलिमउडडद्धसरीरे आसतोसत्तवग्घारित-सोणिसुत्त-मल्लदाम-कलावे अहत-वत्थ-परिहिएचंद-गुक्खत्तागतसरीरे महतिमहालियाए कूडागारसालाए महतिमहालयसि सयणिज्झंसि दुहतो उन्नते मज्झे नतगंभीरे वन्नओ सव्वरातिणिएणं जोतिणा झियायमाणेणं इत्थीगुम्मपरिवुडे महताहत-नट्ट-गीत-वाइय-तंती-त्तल-त्तल-तुडिय-धण-मुइंग-मइल-पडुप्पवाइयरवेणं ओरालाई माणुस्सगाई भोगभोगाई भुंजमाणे विहरति तस्स णं एगमवि आणवेमाणस्स जाव चत्तारि पंच अवुत्ता चेव अब्भुद्धंति भण सामी किं करोमी किं आहरामो किं उवणेमो किं आवेद्दामो किं मे हियइच्छित्तं किं मे आसगस्स सदति जं पासिता निगंधे निदाणं करेति-जइ इमस्स सुवरियस्स तव-नियम-बंधवचेरवासस्स जाव साहू एवं खलु समणाउसो निगंधे निदाणं किच्चा तस्स ठाणस्स अणालोइयप्पडिक्कंते कालमासे कालं किच्चा अण्णतरेसु देवलोगेसु देवत्ताए उवदत्तारो भवति-महिइद्धिएसु जाव चिरद्धितीएसु से णं तत्थ देवे भवति महिइद्धिए जाव भुंजमाणे विहरति से णं ताओ देवलोगातो आउक्खएणं भवक्खएणं ठित्तिक्खएणं अनंतरं चयं चइत्ता से जे इमे भवंति उग्गापुत्ता महामाउया भोगपुत्ता महामाउया एतेसि णं अण्णतरसि कुलसि पुत्तताए पच्चायाति से णं तत्थ दारए भवति-सुकुमाल-पाणिपाए जाव सुरूवे तए णं से दारए उमुक्कबालभावे विण्णय-परिणायमित्ते जोव्वणगमणुपत्ते सयमेव पेतियं दायं पडिवज्जति तस्स णं अतिजायमाणस्स वा निज्जायमाणस्स वा पुरओ महं दासी-दास-किंकर-कम्मकर-पुरिस-पायत्त-परिक्खित्तं छत्तं भिंगारं गहाय निगच्छति जाव किं मे आसगस्स सदति तस्स णं तहप्पगारस्स पुरिसजातस्स तहारूवे समणे



वा माहणे वा उपओ कालं केवलपत्रत्तं धम्ममाइक्खेज्जा हंता आइक्खेज्जा से णं मंते पडिसुणेज्जा नो इण्ठे समत्थे अभविए णं से तस्स धम्मस्स सवणयाए से य भवइ-महिच्छे महारंभे महापरिग्गहे अहम्मिए जाय आगमिस्साणं दुल्लबोहिए यावि भवइ एवं खलु समणाउसो तस्स निदाणस्स इमेयारूवे पावए फलविवागे जं नो संचाएति केवलपत्रत्तं धम्मं पडिसुणेत्तए।१६।

(१०४) एवं खलु समणाउसो मए धम्मं पत्रत्ते-इणमेव निग्गंथे पावयणे जाव सब्बदुक्काणमंतं करेति जस्स णं धम्मस्स निग्गंथी सिक्खाए उयट्ठिया विहरमाणी पुरा दिग्गिछाए पुरा पिवासाए पुरा वातातवेहिं पुञ्ज विरूवरूवेहि य परिसहोयसग्गेहिं उदिण्णकामजाया यावि विहरोज्जा सा य परक्कमेज्जा सा य परक्कममाणी पासेज्जा-से जा इमा इत्थिया भवति-एगा एगजाया एगाभरण-पिहाणा तेल्लपेला इव सुसंगोपिता चेलपेला इव सुसंगपरिग्गहिद्या रयणकरंडगसमाणा तीसे णं अतिजायमाणीए वा निज्जयमाणीए वा पुरओ महं दासी-दास-किंकर-कम्मकर-पुरिस-पायत्तपरिक्खित्तं छत्तं भिंजारं गहाय निगच्छति जाव किं मे आसगस्स सदति जं पासित्ता निग्गंथी निदाणं करेति-जइ इमस्स सुचरियस्स तव-नियम-जाव भुंजमाणी विहरामि-सेत्तं साहू एवं खलु समणाउसो निग्गंथी निदाणं किच्चा तस्स ठाणस्स अणालोइयपडिक्कंता कालमासे कालं किच्चा अण्णतरेसु देवलोएसु देवत्ताए उयवत्तारा भवति-महिइडिएसु जाव चिरड्ढितीएसु सा णं तत्थ देवे भवति-महिइडिएसु जाव भुंजमाणे विहरति से णं ताओ देवलोगाओ जाव अनंतरं चयं चइत्ता से जे इमे भवति उग्गपुत्ता महामाउया भोगपुत्ता महामाउया एतेसि णं अण्णतरंसि कुलंसि दारियत्ताए पच्चायाति सा णं तत्थ दारिया भवति-सुकुमालपाणिपाया जाव सुरूवा तते णं तं दारियं अम्मापियरो उम्मुक्कबालभावं विण्णय-परिणयमेणं जोव्वणगमणुपत्तं पडिरूवेणं सुक्केणं पडिरूवेणं रूवेणं पडिरूवस्स भत्तारस्स भारियत्ताए दलयंति सा णं तस्स भारिया भवति-एगा एगजाता जाव रयणकरंडगसमाणा तीसे णं अतिजायमाणीए वा निज्जयमाणीए वा पुरतो महं दासी-दास-किंकर-कम्मकर-पुरिस-पायत्त-परिक्खित्तं छत्तं भिंजारं गहाय निगच्छति जाव किं मे आसगस्स सदति तीसे णं तहम्मगाराए इत्थियाए तत्तारूवे समणे वा माहणे वा उपओ कालं केवलपत्रत्तं धम्मं आइक्खेज्जा हंता आइक्खेज्जा सा णं मंते पडिसुणेज्जा नो इण्ठे समत्थे अभविया णं सा तस्स धम्मस्स सवणयाए सा च भवति-महिच्छा महारंभा महापरिग्गहा अहम्मिया जाव आगमिस्साए दुल्लभबोहिया यावि भवति एवं खलु समणाउसो तस्स निदाणस्स इमेतारूवे पावए फलविवागे जं नो संचाएति केवलपत्रत्तं धम्मं पडिसुणेत्तए।१७।

(१०५) एवं खलु समणाउसो मए धम्मं पत्रत्ते-इणमेव निग्गंथे पावयणे जाव जस्स णं धम्मस्स निग्गंथे सिक्खाए उवट्ठित्ते विहरमाणे पुरा दिग्गिछाए जाव से य परक्कममाणे पासेज्जा से जा इमा इत्थिका भवति एगा एगजाता जाव किं मे आसगस्स सदति जं पासित्ता निग्गंथे निदाणं करेति-दुक्खं खलु पुमत्तणए से जे इमे भवति उग्गपुत्ता महामाउया भोगपुत्ता महामाउया एतेसि णं अण्णतरेसु उच्चावएसु महासमर-संगामेसु उच्चावयाइं सत्थाइं उरसि चैव पत्तंति तं दुक्खं खलु पुमत्तणए इत्थित्तणयं साहू जइ इमस्स सुचरियस्स तव-नियम-बंधेचरवासस्स कच्चाणे फलवित्ति-विसेसे अत्थि तं अहमयि आगमेस्साइं इमेयारूवाइं ओरालाइं इत्थीभोगाइं भुंजिस्सामि-से तं साहू एवं खलु समणाउसो निग्गंथे निदाणं किच्चा तस्स ठाणस्स अणालोइयपडिक्कंते कालमासे कालं किच्चा अण्णतरेसु [देवलोएसु देवत्ताए उववत्तारो भवति-महिइडिएसु जाव चिरड्ढितीएसु] से णं

तस्य देवे भवति-महिङ्गिए जाव भुंजमाणे विहरति से णं ताओ देवलोगाओ आउक्खएणं [भवक्खएणं ठितिक्खएणं अनंतरं चयं चइत्ता से जे इमे भवति उग्गपुत्ता महामाउया भोगपुत्ता महामाउया एतेसि णं] अण्णतरसि कुलसि दारियत्ताए पच्चायाति सा णं तस्य दारिया भवति-सुकुमालपाणिपाया जाव सुक्खा तते णं तं दारियं जाव भारियत्ताए दलयति सा णं तस्स भारिया भवति-एगा एगजाता० तीसे णं अतिजायमाणीए वा जाव किं के आसगस्स सदति तीसे णं तहप्पगाराए इत्थिक्खए तहाक्खे समणे वा माहणे वा जाव पडिसुणेत्ता नो इण्ठे समद्धे अभविया णं सा तस्स धम्मस्स सवणयाए सा य भवति-महिच्छा महारंभा महापरिग्गहा अहम्मिया जाव आगमिस्साए दुल्लभबोहिया यावि भवति एवं खलु समणाउसो तस्स निदानस्स इमेताक्खे पावए फलविवागे जं नो संचाएति केवलपत्रत्तं धम्मं पडिसुणेत्ताए ॥८८॥

(१०६) एवं खलु समणाउसो मए धम्मे पत्रत्ते-इणमेव निग्गंये पावयणे जाव जस्स णं धम्मस्स निग्गंयी सिक्खाए उवड्ढिता विहरमाणी पुरा दिग्गिछाए जाव उदिण्णकामजाता यावि विहरेत्ता सा य परक्कमेत्ता सा य परक्कमभाणी पासेत्ता-से जे इमे भवति उग्गपुत्ता महामाउया भोगपुत्ता महामाउया जाव किं मे आसगस्स सदति जं पासित्ता निग्गंयी निदानं करेति-दुक्खं खलु इत्थित्तणए दुस्संचाराइं गामंतराइं जाव सण्णिवेसंतराइं से जहानामए अंबपेसियाति वा अंबाडगपेसियाति वा मातुलुंगपेसियाति वा मंसपेसियाति वा उच्छखंडियाति वा संबलिफालियाति वा बहुजणस्स आसायणिज्जा पत्थणिज्जा पीहणिज्जा अभिलसणिज्जा एवामेव इत्थिकावि बहुजणस्स आसायणिज्जा पत्थणिज्जा पीहणिज्जा अभिलसणिज्जा तं दुक्खं खलु इत्थित्तणए पुमत्तणए साहू जइ इमस्स सुचरियस्स तव-नियम-[बंभचेरवासस्स कल्लाणे फलवित्तिविसेसे] अत्थि तं अहमवि आगमेस्साइं इमेयाक्खाइं ओरालाइं भोगभोगाइं भुंजिस्सामि-से तं साहू एवं खलु समणाउसो निग्गंयी निदानं किच्चा तस्स ठाणस्स अण्णलोइयपडिक्कंता कालमासे कालं किच्चा अण्णतरेसु देवलोगेसु देवत्ताए उववत्तारो भवति-महिङ्गिएसु जाव चिरिद्धीतेसु सा णं तस्य देवे भवति-महिङ्गिए जाव चइत्ता से जे इमे भवति उग्गपुत्ता तहेव दारए जाव किं मे आसगस्स सदति तस्स णं तहप्पगारास्स पुरिसजातस्स जाव अभविए णं से तस्स धम्मस्स सवणयाए से य भवइ-महिच्छे [महारंभे महापरिग्गहे अहम्मिए जाव आगमिस्साणं] दुल्लभबोहिए यावि भवति एवं खलु जाव पडिसुणेत्ताए ॥८९॥

(१०७) एवं खलु समणाउसो मए धम्मे पत्रत्ते-इणमेव निग्गंये पावयणे जाव जस्स णं धम्मस्स निग्गंयो वा निग्गंयी वा सिक्खाए उवड्ढिए विहरमाणे पुरा दिग्गिछाए जाव उदिण्ण-कामभोगे यावि विहरेत्ता से य परक्कमेत्ता से य परक्कममाणे माणुस्सेहिं कामभोगेहिं निव्वेयं गच्छेत्ता-माणुस्सगा खलु कामभोगा अपुवा अणितिया असासता सडण-पडण-विद्धंसणधम्मा उच्चार-पासवण-खेल-सिंघाण-वंत-पित्त-सुक्क-सोणियसमुब्भवा दुठय-उस्सास-निस्सासा दुरुय-मुत्त-पुरीसपुत्ता बंतासवा पित्तासवा खेलासवा पच्चा पुरं च णं अवस्सविप्पजहणिज्जा संति उइदं देवा देवलोगंसि ते णं तस्य अण्णेसिं देवानं देवीओ अभिजुंजिय-अभिजुंजिय परियारंति अप्पणिच्चियाओ देवीओ अभिजुंजिय-अभिजुंजिय परियारंति अप्पणामेव अप्पाणं विउव्वित्ता-विउव्वित्ता परियारंति जति इमस्स सुचरियस्स तव [नियम-बंभचेरवासस्स कल्लाणे फलवित्ति-विसेसे अत्थि तं] अहमवि आगमेस्साइं इमाइं एताक्खाइं दिव्वाइं भोगभोगाइं भुंजमाणे विहरामि-से

तं साहू एवं खलु समणाउसो निगंथो वा निगंथी वा निदाणं किच्चा तस्स ठाणस्स अणालोइयपडिक्कंते कालमासे कालं किच्चा अन्नतरेसु देवलोगेसु देवताए उववत्तारो भवति-महिइडिएसु जाव चिरड्ढित्तीएसु से णं तत्थ देवे भवति-महिइडिए जाव भुंजमाणे विहरति से णं तत्थ अण्णेसिं देवाणं देवीओ परियारेति से णं तातो देल्लोगातो जाव किं मे आसगस्स सदति तस्स णं तहप्पगारस्स पुरिसजातस्स तहारूवे समणे वा माहणे वा जाव पडिसुणेज्जा हंता पडिसुणेज्जा से णं भंते सहहेज्जा पत्तिएज्जा रोएज्जा नो इण्णहे समट्ठे अमविए णं से तस्स धम्मस्स सदहणयाए पतियाए रोयणाए से य भवति महिच्छे [महारंभे महापरिगहे अहम्मिए जाव] आगमेस्साए दुल्लहबोहिए यावि भवइ एवं खलु समणाउसो तस्स निदाणस्स इमेतारूवे पावए फलविवागे जं नो संचाएति केवलपन्नत्तं धम्मं सदह्हित्तए वा पत्तइत्तए वा रोइत्तए वा ।५०।

(१०८) एवं खलु समणाउसो मए धम्मे पन्नत्ते-से य परक्कमेज्जा से य परक्कममाणे माणुस्सएसु कामभोगेसु निच्चदं गच्छेज्जा-माणुस्सगा खलु कामभोगा अधुवा अणितिया जाव संति उड्ढं देवा देवलोगंसि ते णं तत्थ नो अण्णं देवं नो अण्णं देविं अभिजुंजिय-अभिजुंजिय परियारेति अप्पणामेव अप्पणं विउच्चिय-विउच्चिय परियारेति जइ इमस्स सुचरियस्स तव-जाव हंता पडिसुणेज्जा से णं भंते सहहेज्जा पत्तिएज्जा रोएज्जा नो इण्णहे समट्ठे नण्णत्थरूई रुइमादाए से य भवति से जे इमे आरणिया आवसहिया गामणियंतिया कण्हुरहसिया नो बहुसंजता नो बहुपडिविरता सव्वपाण-भूत-जीव-सत्तेसु ते अप्पणा सच्चामोसाइ एवं विउजंति-अहं न हंतव्वो अण्णे हंतव्वा अहं न अज्जावेतव्वो अण्णे अज्जावेतव्वा अहं न परियावेतव्वो अण्णे परियावेतव्वा अहं न परिघेतव्वो अण्णे परिघेतव्वा अहं न उद्वेतव्वो अण्णे उद्वेतव्वा एवामेव इत्थिकामेहिं मुच्छिया गदिया गिच्चा अज्जोववण्णा जाव वासाइं चउपंचमाइं छइसमाइं अप्पयो वा भुज्जयो वा भुंजित्तु भोगभोगाइं कालमासे कालं किच्चा अण्णयरेसु आसुरिएसु किच्चिसिएसु ठाणेसु उववत्तारो भवति ते ततो विप्पमुच्चमाणा भुज्जो एलमूयत्ताए तमूयत्ताए जाइमूयत्ताए पच्चायंति एवं खलु समणाउसो तस्स निदाणस्स जाव नो संचाएति केवलपन्नत्तं धम्मं सदह्हित्तए वा रोइत्तए वा ।५१।

(१०९) एवं खलु समणाउसो मए धम्मे पन्नत्ते-माणुस्सगा खलु कामभोगा अधुवा संति उड्ढं देवा देवलोगंसि ते णं तत्थ नो अण्णं देवं नो अण्णं देविं अभिजुंजिय-अभिजुंजिय परियारेति नो अप्पणिच्चियाओ देवीओ अभिजुंजिय-अभिजुंजिय परियारेति नो अप्पणामेव अप्पणं विउच्चिय-विउच्चिय परियारेति जइ इमस्स सुचरियस्स तव-नियम-जाव एवं खलु समणाउसो निगंथो वा निगंथी वा निदाणं किच्चा अणालोइय विहरति से णं तत्थ नो अण्णं देवं नो अण्णं च देविं अभिजुंजिय-अभिजुंजिय परियारेति नो अप्पणिच्चियाओ देवीओ अभिजुंजिय-अभिजुंजिय परियारेति नो अप्पणामेव अप्पणं विउच्चिय-विउच्चिय परियारेति से मं ताओ देवलोगाओ आउक्खएणं षवक्खएणं जाव से णं भंते सील-च्चत-गुण-वेरमण-जाव पडिवज्जेज्जा नो तिण्णइ समट्ठे से णं दंसणसावए भवति-अभिगतजीवाजीवे जाव अट्ठिमिंजयेमाणु- रागरत्ते अयमाउसो निगंथे पावयणे अट्ठे अयं परमट्ठे सेसे अण्णहे से णं एतारूवेणं विहारेणं विहरमाणे बहूइं वासाइं समणोवासगपरियागं पाउणइ पाउणिता कालमासे कालं किच्चा अण्णतरेसु देवलोगेसु देवताए उववत्तारो भवति एवं खलु समणाउसो तस्स निदाणस्स इमेतारूवे पावए फलविवागे जं नो संच-एति सील-च्चत-गुण-वेरमण-पच्चक्खएण-योसहोववासाइं पडिवज्जित्तए ।५२।

(११०) एवं खलु समणाउसो मए धम्मे पन्नत्ते-से य परक्कममाणे दिव्वमाणुस्सेहिं कामभोगेहिं निव्वेदं गच्छेज्जा-माणुस्सगा कामभोगा धुवा जाव विप्पजहणिज्जा दिव्वावि खलु कामभोगा अधुवा अणितिया असासता चला चयणधम्मा पुणरागमणिज्जा पच्छा पुव्वं च णं अवस्सविप्पजहणिज्जा जइ इमस्स सुचरियस्स तव-नियम-जाय आगमेस्साणं से जे इमे भवन्ति उग्गपुत्ता महामाउया जाव पुमत्ताए पच्चाइस्सामि तत्थ णं समणोवासए भविस्सामि-अभिगतजीवाज्जीवे जाव फासुएसणिज्जेणं असन-पान-खाइम-साइमेणं पडिलाभेमाणे विहरिस्सामि से तं साहू एवं खलु समणाउसो निग्गंथो वा निग्गंधी वा निदाणं किच्चा तस्स ठाणस्स अणालोइय जाव देललोएसु देवत्ताए उववत्तारो भवति-जाव किं मे आसगस्स सदति तस्स णं तहप्पगारस्स पुरिसजात्तस्स जाव सहहेज्जा पत्तिएज्जा रोएज्जा से णं भंते सील-व्वय-गुण-वेरमण-पच्चक्खाण-पोसहोववासाइं पडिवज्जेज्जा हंता पडिवज्जेज्जा से णं भंते मुंडे भवित्ता अगारातो अणगारियं पव्वएज्जा नो इण्ढे समट्ठे से णं समणोवासए भवति-अभिगतजीवाजवे जाव पडिलाभेमाणे विहरइ से णं एतारूवेणं विहारेणं विहरमाणे बहूणि वासाणि समणोवासगपरियाणं पाउणति पाउणित्ता आवाहंसि उप्पणंसि वा अनुप्पणंसि वा बहूइं भताइं पच्चक्खाइ पच्चक्खाइत्ता बहूइं भताइं अणसणाए छेदेइ छेदेत्ता आलोइय-पडिक्कंते समाहिपत्ते कालमासे कालं किच्चा अणणयोसु देवलोएसु देवत्ताए उववत्तारो भवति एवं खलु समणाउसो तस्स निदाणस्स इमेतारूवे पावए फलविवागे जं नो संथाएति सव्वओ सव्वत्ताए मुंडे भवित्ता अगाराओ अणगारियं पव्वइत्ताए ।५३।

(१११) एवं खलु समणाउसो मए धम्मे पन्नत्ते - से य परक्कममाणे दिव्वमाणुस्सेहिं कामभोगेहिं निव्वेदं गच्छेज्जा माणुस्सगा खलु कामभोगा अधुवा जाव विप्पजहणिज्जा दिव्वावि खलु कामभोगा अधुवा [अणितिया असासता चला चयणधम्मा] पुणरागमणिज्जा पच्छा पुव्वं च णं अवस्सविप्पजहणिज्जा जइ इमस्स सुचरियस्स तव-नियम-[बंभचेरवासस्स कल्लाणे फलवित्तिविसेसे अत्थि तं] अहमवि आगमेस्साणं जाइ इमाइं अंतकुलाणि वा पंतकुलाणि वा तुच्छकुलाणि वा दरिद्रकुलाणि वा किष्णिक्कुलाणि वा भिक्खागकुलाणि वा माहणकुलाणि वा एतेसि णं अन्नतरंसि कुलंसि पुमत्ताए पच्चाइस्सामि एस मे आता परिया सुणीहडे भविस्सति से तं साहू एवं खलु समणाउसो निग्गंथो वा निग्गंधी वा निदाणं किच्चा तस्स ठाणस्स अणालोइयपडिक्कंते कालमासे कालं किच्चा अन्नतरेसु देवलोएसु देवत्ताए उववत्तारो भवति-महिडिडएसु जाव चिरिट्ठितीएसु से णं तत्थ देवे भवति-महिडिडएसु जाव पुंजमाणे विहरति से णं तातो देवलोगातो आउक्खएणं भवक्खएणं ठित्तिक्खएणं अनंतरं चयं चइत्ता जाइं इमाइं अंतकुलाणि वा पंतकुलाणि वा तुच्छकुलाणि वा दरिद्रकुलाणि वा किष्णिक्कुलाणि वा भिक्खागकुलाणि वा माहणकुलाणि वा एतेसि णं अन्नतरंसि कुलंसि पुत्तत्ताए पच्चायाति से णं तत्थदारए भवति-सुकुमालपाणिपाए जाव सुरूवे तए णं से दारए उम्मुक्कबालभावे विण्णय-परिणयमित्ते जोव्वणगमणुपत्ते सयमेव पेतियं दायं पडिवज्जति तस्स णं तहप्पगारस्स पुरिसजात्तस्स तहारूवे समणे वा माहणे वा उभओ कालं केवलिपन्नत्तं धम्ममाइक्खेज्जा हंता आइक्खेज्जा से णं भंते पडिसुणेज्जा हंता पडिसुणेज्जा से णं भंते सहहेज्जा पत्तिएज्जा रोएज्जा हंता सहहेज्जा पत्तिएज्जा रोएज्जा से णं भंते सील-व्वय-गुण-वेरमण-जाव पडिवज्जेज्जा से णं भंते मुंडे भवित्ता अगारातो अणगारियं पव्वएज्जा हंता पव्वएज्जा से णं भंते तेणेव भवग्गहणेणं सिज्जेज्जा बुज्जेज्जा मुच्चेज्जा परिनिव्वाएज्जा सब्बदुक्खाणमंतं कोज्जा नो इण्ढे समट्ठे से

णं अणगारे भवइ से जे इमे अणगारा भगवंतो इरियासमिता जाव बंभचारी सुहुतहुतासणो विव तेथसा जलंता से णं एतारूवेणं विहारेणं विहरमाणे बहूइं वासाइं सामण्णपरियागं पाउणति पाउणित्ता आबाहंसि उप्पणंसि या जाव कालमासे कालं किच्चा अन्नतरेसु देवलोएसु देवत्ताए उववत्तारो भवति एवं खलु समणाउसो तस्स निदाणस्स इमेतारूवे पावए फलविवागे जं नो संच-एति तेणेव भवग्गहणेणं सिञ्जित्तए जाव सव्वदुक्खाणमंतं करेआ ।५४।

(११२) एवं खलु समणाउसो मए धम्मे पन्नत्ते-इणमेव निग्गंधे सव्वकामविरत्ते सव्व-रागविरत्ते सव्वसंगातीते सव्वसिणेहातिककंते सव्वचारित्तपरिवुडे तस्स णं भगवंतस्स अनुत्तरेणं नाणेणं अनुत्तरेणं दंसणेणं जाव परिनिब्बानग्गेणं अप्पाणं भावेमाणस्स अनंते अनुत्तरे निब्बाघाए निरावरणे कसिणे पडिपुत्रे केवलवरनाणदंसणे समुप्पजेआ तते णं से भगवं अरहा भवति जिणे केवली सव्वन्नु सव्वदरिसी सदेवमणुयासुरस्स जाव बहूइं वासाइं केवलिपरियागं पाउणति पाउणित्ता अप्पणो आउसेसं आभोएति आभोएत्ता भतं पच्चक्खाति पच्चक्खाइत्ता बहूइं मत्ताइं अणसणाए छेदेति छेदेत्ता ततो पच्छा चरिमेहिं ऊसासणीसासेहिं सिञ्जति जाव सव्वदुक्खाणं अंतं करेति एवं खलु समणाउसो तस्स अनियदाणस्स इमेयारूवे कल्लाणे फलविवागे जं तेणेव भवग्गहणेणं सिञ्जति जाव सव्वदुक्खाणं अंतं करेति ।५५।

(११३) तते णं ते बहवे निग्गंधा य निग्गंधीओ य समणस्स भगवओ महावीरस्स अंतिए एयमड्डं सोच्चा निसम्म समणं भगवं महावीरं वंदंति नमंसंति वंदित्ता नमंसित्ता तस्स ठाणस्स आलोएति पडिवक्कमंति जाव अहारिहं पायच्छित्तं तयोक्कमं पडिवज्जंति ।५६।

(११४) तेणं कालेणं तेणं समएणं समणे भगवं महावीरे रायगिहे नगरे गुणसिलए चेइए बहूणं समणाणं बहूणं समणीणं बहूणं सावगाणं बहूणं सावियाणं बहूणं देवाणं बहूणं देवीणं सदेवमणुयासुराए परिसाए मज्झगते एवं आइक्खइ एवं भासति एवं पन्नवेइ एवं परूवेइ आयातिट्ठाणे नामं अज्जो अज्जयणे सअड्डं सहेउयं सकारणं सुत्तं च अत्थं च तदुभयं च भुज्जो-भुज्जो उवदंसेति ति वेमि ।५७।

● दत्तासुयक्खंधं समत्ता ●

३७ दत्तासुयक्खंधं समत्तं

चउत्थं छेयसुत्तं समत्तं

[5]

:- अ-भा-रा- प्र-डा-श-लो :-

- [१] अभिनव हेम लघुप्रक्रिया -१- सप्ताह विवरणम्  
 [२] अभिनव हेम लघुप्रक्रिया -२- सप्ताह विवरणम्  
 [३] अभिनव हेम लघुप्रक्रिया -३- सप्ताह विवरणम्  
 [४] अभिनव हेम लघुप्रक्रिया -४- सप्ताह विवरणम्  
 [५] कृदन्तमाला  
 [६] चैत्यवन्दन पर्वमाला  
 [७] चैत्यवन्दन सङ्ग्रह - तीर्थजिनविक्षेप  
 [८] चैत्यवन्दन चौविशी  
 [९] शत्रुञ्जय भक्ति [आवृत्ति-दो]  
 [१०] अभिनव जैन पञ्चाङ्ग - २०४६  
 [११] अभिनव उपदेश प्रासाद -१- श्रावक कर्तव्य - १ धी ११  
 [१२] अभिनव उपदेश प्रासाद -२- श्रावक कर्तव्य - १२ धी १५  
 [१३] अभिनव उपदेश प्रासाद -३- श्रावक कर्तव्य - १६ धी ३६  
 [१४] नवपद-श्रीपाल - [शाश्वती ओणीना व्याख्यान रूपे]  
 [१५] समाधिभरण [विधि-सूत्र-पद्य-आराधना- भरणालेख-संग्रह]  
 [१६] शैत्यवन्दनमाणा [७७८ शैत्यवन्दनो नो संग्रह]  
 [१७] तत्त्वार्थ सूत्र प्रबोधटीका [अध्याय-१]  
 [१८] तत्त्वार्थ सूत्रना आगम आधार स्थानो  
 [१९] सिद्धायलनो साथी [आवृत्ति-भे]  
 [२०] शैत्यपरिपाटी  
 [२१] अमदावाह जिनमंदिर उपश्रय आदि डिरेक्टरी  
 [२२] शत्रुञ्जय भक्ति [आवृत्ति-भे]  
 [२३] श्री नवकारमंत्र नवलाप जाप नोधपोथी  
 [२४] श्री चारित्र पद्य अंक करोड जाप नोधपोथी  
 [२५] श्री आर्यत पुस्तिका तथा अन्य नियमो [आवृत्ति-धार]  
 [२६] अभिनव जैन पंचांग- २०४२; [सर्व प्रथम, १३ विभागांमां]  
 [२७] श्री ज्ञानपद्य पूजा  
 [२८] अंतिम आराधना तथा साधु साध्वी कालधर्म विधि  
 [२९] श्रावक अंतिम आराधना [आवृत्ति-त्रण]  
 [३०] वीतराग स्तुति संख्य [११५१-त्वादवाही स्तुतिओ]  
 [३१] (पूज्य आगमोद्धारकश्रीना समुदायना) कायमी संपर्क स्थानो  
 [३२] तत्त्वार्थाधिगमसूत्र अभिनवटीका- अध्याय-१  
 [३३] तत्त्वार्थाधिगमसूत्र अभिनवटीका - अध्याय-२  
 [३४] तत्त्वार्थाधिगमसूत्र अभिनवटीका- अध्याय-३

## [6]

- [३५] तत्त्वार्थाधिगम सूत्र अभिनवटीका- अध्याय-४  
 [३६] तत्त्वार्थाधिगम सूत्र अभिनवटीका- अध्याय-५  
 [३७] तत्त्वार्थाधिगम सूत्र अभिनवटीका- अध्याय-६  
 [३८] तत्त्वार्थाधिगम सूत्र अभिनवटीका- अध्याय-७  
 [३९] तत्त्वार्थाधिगम सूत्र अभिनवटीका- अध्याय-८  
 [४०] तत्त्वार्थाधिगम सूत्र अभिनवटीका- अध्याय-९  
 [४१] तत्त्वार्थाधिगमसूत्र अभिनवटीका- अध्याय-१०



[४२] आयातो	[आगमसुत्ताणि-१ ]	पढमं अंगसुत्तं
[४३] सूयगडो	[आगमसुत्ताणि-२ ]	बीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपत्रत्ति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९ ]	नवमं अंगसुत्तं
[५१] पणहावागरणं	[आगमसुत्ताणि-१० ]	दसमं अंगसुरां
[५२] विवागसूयं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पढमं उवंगसुत्तं
[५४] राघपसेणियं	[आगमसुत्ताणि-१३ ]	बीअं उवंगसुत्तं
[५५] जीवाजीवाधिगम	[आगमसुत्ताणि-१४ ]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपत्रत्ति	[आगमसुत्ताणि-१६ ]	पंचमं उवंगसुत्तं
[५८] घंदपत्रत्ति	[आगमसुत्ताणि-१७ ]	छट्ठं उवंगसुत्तं
[५९] जंबूहीवपत्रत्ति	[आगमसुत्ताणि-१८ ]	सत्तमं उवंगसुत्तं
[६०] निरयावलियाणं	[आगमसुत्ताणि-१९ ]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२० ]	नवमं उवंगसुत्तं
[६२] पुप्फियाणं	[आगमसुत्ताणि-२१ ]	दसमं उवंगसुत्तं
[६३] पुप्फचूलियाणं	[आगमसुत्ताणि-२२ ]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३ ]	थारसमं उवंगसुत्तं
[६५] चउसरण	[आगमसुत्ताणि-२४ ]	पढमं पर्ईण्णगं
[६६] आउरपच्चक्खाण	[आगमसुत्ताणि-२५ ]	बीअं पर्ईण्णगं
[६७] महापच्चक्खाण	[आगमसुत्ताणि-२६ ]	तइअं पर्ईण्णगं
[६८] भत्त परिण्णा	[आगमसुत्ताणि-२७ ]	चउत्थं पर्ईण्णगं

## [7]

[૬૧] તંદુલવેયાલિયં	[આગમસુત્તાણિ-૨૮ ]	પંચમં પર્વણગં
[૭૦] સંધારગં	[આગમસુત્તાણિ-૨૯ ]	છટ્ઠં પર્વણગં
[૭૧] ગચ્છાચાર	[આગમસુત્તાણિ-૩૦-૧ ]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨ ]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧ ]	અટ્ઠમં પર્વણગં
[૭૪] દેવિદત્યઔ	[આગમસુત્તાણિ-૩૨ ]	નવમં પર્વણગં
[૭૫] મરણસ્માહિ	[આગમસુત્તાણિ-૩૩/૧ ]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨ ]	દસમં પર્વણગં-૨
[૭૭] નિરસીહ	[આગમસુત્તાણિ-૩૪ ]	પઢમં છેયસુતં
[૭૮] બુહત્ કપ્પો	[આગમસુત્તાણિ-૩૫ ]	વીઠં છેયસુતં
[૭૯] વવહાર	[આગમસુત્તાણિ-૩૬ ]	તઇઠં છેયસુતં
[૮૦] દસાસુયક્કંધં	[આગમસુત્તાણિ-૩૭ ]	ચઠત્થં છેયસુતં
[૮૧] જીયક્કપ્પો	[આગમસુત્તાણિ-૩૮/૧ ]	પંચમ છેયસુતં-૧
[૮૨] પંચકપ્પપાસ	[આગમસુત્તાણિ-૩૮/૨ ]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯ ]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦ ]	પઢમં મૂલસુતં
[૮૫] ઓહનિજુત્તિ	[આગમસુત્તાણિ-૪૧/૧ ]	વીઠં મૂલસુતં-૧
[૮૬] પિંડનિજુત્તિ	[આગમસુત્તાણિ-૪૧/૨ ]	વીઠં મૂલસતં-૨
[૮૭] દસવેયાલિઠં	[આગમસુત્તાણિ-૪૨ ]	તઇઠં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩ ]	ચઠત્થં મૂલસુતં
[૮૯] નંદીસૂયં	[આગમસુત્તાણિ-૪૪ ]	પઢમા ઘૂલિયા
[૯૦] અણુઔગદારાઈ	[આગમસુત્તાણિ-૪૫ ]	થિતિયા ઘૂલિયા

નોંધ : પ્રકાશન ૧ત્રી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, પ્રિયલક્ષ્મી મિલ્સ પાસે એલેક્ઝાન્ડર રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો ડ્રાફ્ટ આપીને જ સેટ મેળવી શકશો.



[8]

## :-: પરિસિદ્ધ-નિદંસણં :-:

- ૧ પદ્મં પરિસિદ્ધં - “વિસયાણુક્કમો”  
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમસિકા છે. જે માટે અમારું ભાવિ પ્રકાશન “૪૫-આગમ દુહત્ વિસય કોસ” જેવું.
- ૨- વીયં પરિસિદ્ધં “વિસિદ્ધ સદ્દાણુક્કમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્દકોસ” જેવું.
- ૩- તદ્વયં પરિસિદ્ધં- “વિસેસ નાનાણુક્કમો”  
૪૫-[૪૯] આગમમાં આવતા પાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- વડત્વં પરિસિદ્ધં - “ગાહાણુક્કમો”  
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધં “સુત્તાણુક્કમો”  
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેષ તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ ઉદ સૂત્રો અને ઘંડપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદ્ય સચિતિ, (૨) દેવચંદ લાલભાઈ ઈડ (૩) ઋષભદેવ કેસરીચલ પેટ્ટી એ ત્રણ સંસ્થાના પ્રકાશનો જ લીધા છે. - ઘંડ પન્નતિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, ત્રિસીહ-પૂ.કનૈયાલાલજી સંપાદિત, વ્યહાર, પૂ.મુનિ ચાણક સંપાદિત, જીયકમ્પો. પૂ.જનવિજયજી સંપાદિત છે મહાનિસીહ ની વૃત્તિનથી. દસાતુયક્ષંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.स्य.३ शु.ता.नु.रा.गी श्र.म.षो.पा.सि.ऊ

श्रीमती नयनाजहेन रमेशयंकर शाह - परिवार, पडोहरा

प्रस्तुत आगमनां मुख्य द्वय सहायक